

YAZBIK

AL-DHABA' IH


2276
.96799
.329

2276.96799.329
Yazbik
al-Dhabā'ih

Princeton University Library



32101 071966186




الزَّيَاجُ

رواية عصرية في أربعة فصول تأليف
إسطون بزنك



شركة مطبوعات «الفرطاس»

شارع محمد مظلوم باشا غربه ١
بصري



مہمنگ کی اپنادی

Yazbik, Antun

النَّبَاعُ

مائة عصرية في أربعين فصل

انطون زنلی

مشلّه‌ها لارول مره فردا استاد یوسف بلحی و همی فی ۱۹ آکتوبر ۹۴۰م بر جمیع مسیحی‌چهار

al-Dhabā'ih



شركة مطبو عاب «الفر طاس»

بشارع محمد مظلوم باشا غره ١

مصر

الذبائح

وأقوال النقاد فيها

أما افكاره فهي مستمدة من الحياة المصرية البحتة ، فهو أنها يعالج أمراض البيئة الشرقية فيعرضها لك على السرح في أ بشع صورة ، واسدها

تأثيراً على النفس ، وامتلاكاً للمواطنين
وله طريقة خاصة في تأليفه ، فهو ولا شك
يقصد إلى إبراز فكرة معينة يضع لها مقدماتها
ونتيجتها ، ولكنها في اثناء السير بك إلى تلك
النتيجة ، قد يخلق مناسبات يعرض فيها لادواء
وعمل أخرى ، فيحلها جميعاً ، ويعالجها ، أو يصف
للك العلاج من طرف خرى ، او يظهر لك بشاعتها
وططرها ويترك لك امر التفكير في العلاج

فإذا جلس الرجل ليكتب ، فهو يوقظ أولاً
حاسته المتألمة التي تقطر دماً ، وينسج منها هيكل
القصة ، وهكذا يصبح من المقرر أن القصة ستكون
من أقوى أنواع « الدراما » أو « الميلودرام » !

بعد ذلك — وبعد أن تكون الفكرة قد
ارتسمت ، والطريقة قد حكمت ، والهيكل قد وضع
إلى بعد أن ينتهي دور الرجل المفكر — يأتي
دور الصانع الماهر ! ! والاستاذ يزبك يستعمل
كل أنواع المؤثرات اللفظية ، ويستعين بالدموع
والتنديدات ، ثم يستنجد بالإساليب التي تثير الرهبة ،
وتعلّم الجو برائحة الفزع والهلوس فيحيط تارة
ويرتفع أخرى ، ويتوسط حيناً . . . فإذا هبط
 فهو يقتلع الجذور ، وإذا توسيط فهو يحمل ويعالج
وإذا ارتفع ، فهو يسمو بك إلى عالم جديد !

يكتب الاستاذ يزبك رواياته باللغة « العامية »
وربما كان الاصح أن تسمى اللغة « العاديّة » فهـى

قال الاديب الفاضل محمد افندي عبد المجيد
مبتكراً قد الروايات العربية في جريدة
« كوكب الشرق » الغراء

اما اليوم فدعوني اصدق طويلاً ، ودعوني
أهتف عالياً « برافو متر يزبك »
ولماذا لا اصدق وقد ارغمني على التصفيق ؟ !
ولماذا لا اهتف له وقد انتزع مني المحتف انتزاعاً !
في مساء الاثنين ١٩٢٥ أكتوبر سنة
الساعة التاسعة تماماً رفع السたار . . . وبعد ثلاث
ساعات ، اسدل بين دموع منهرة وأثاث متصدعة
وتاؤهات متراجعة ، ونفوس تكاد تشتعل اسى ،
وقلوب توشك أن تتحرق ألمًا ثم بقأة انهم سيل
التصفيق دقائق عدة ، وخرج الناس وهي سكوت
يسخون دموعهم حتى حين !

كنا نظن يوم شاهدنا « عاصفه في بيت »
ان نفسية المؤلف لن تبلغ في الأعلم إلى ابعد من
ذلك العمق ولكننا شاهدنا « الذبائح » فإذا هو
قد بلغ اضعاف ما يبلغه في المرة الأولى . . . وغدا
سنرى روايته الثالثة « الغربان » ولا يعلم الا الله
ما يكون اذ ذاك !

الاستاذ اسطون يزبك رجل تجارب عزكته
الحياة ، ونقلب هو على مرها وخلوها ، نخبر منها
مالم يخبره الكثيرون ، واخيراً بعد جهاده الشاق
هذا ، جلس الى مكتبه ، وقد اهبت التجارب
رأسه ، وأنخل الجهد جسمه ، وأخذ يخرج لنا
الرواية تلو الرواية

ليجلوا عنها تلك السحب التي كانت تجتمع فيها
عاطفة وتأثراً وشعوراً . . .

ولا احي مؤلفها انا خبـه من التـحة وجـوم
الشعب وذهـله اذـزلت ستـار النـهاية فى الـليلـة
الـاولـي . فـلم يـجد القوم نـفوسـهم . ولا وـجـدوا
اـكـفـمـ بـرـهـهـ منـ الزـمـانـ كـاـنـهـ اـمـامـ حـقـيقـةـ لـاخـيـالـ
وـلـاـ هـتـفـ لـهـذـهـ روـاـيـةـ اـنـاـ وـاغـاـ تـهـتـفـ لـهـاـ الـهـيـةـ
الـمـصـرـيـةـ . وـالـاسـرـةـ الـمـصـرـيـةـ . اـذـ كـشـفـ عـمـاـيـدـهـاـ
مـنـ عـلـلـ وـاوـاعـ .

وانـ تـكـنـ لـيـ بـعـدـ ذـلـكـ كـلـةـ لـلـاسـتـاذـ اـنـطـوـنـ
يزـ باـكـ فـكـلـمـةـ قـصـيـرـةـ جـداـ :

لـهـنـاـ روـاـيـةـ الـمـصـرـيـةـ لـمـؤـلـفـهـاـ الـاـولـ وـلـنـعـمـ
(عاـصـفـةـ فـيـ بـيـتـ) بـأـخـتـهـاـ (الـذـبـاحـ)

وقـلـ النـاقـدـ الفـاضـلـ مـحـمـودـ اـفـنـديـ كـامـلـ
مـؤـلـفـ روـاـيـةـ (الـلـوـحـوشـ) فـيـ جـريـدـهـ (الـسـيـاسـةـ)
الـغـراءـ

«ـ الذـبـاحـ » . . . ! فـصـةـ مـصـرـيـةـ كـتـبـهـاـ الـاستـاذـ
اـنـطـوـنـ يـزـ باـكـ وـأـخـرـجـهـ مـسـرـحـ رـمـسيـسـ فـيـ مـسـاءـ
الـاـثـنـيـنـ الـاـمـاـحـىـ . وـلـسـ أـشـكـ فـيـ كـانـ الـجـمـوعـ الـتـىـ
تـدـفـقـتـ لـرـوـيـةـ (ـ الذـبـاحـ) اـنـاـكـانتـ تـدـفـعـهـاـ تـقـتهاـ
الـسـابـقـةـ بـمـؤـلـفـ (ـ عـاـصـفـةـ فـيـ بـيـتـ) . . . اـذـ فـقدـ
اصـبـحـ هـذـهـ الـاـسـمـاءـ ثـلـاثـ اـنـطـوـنـ يـزـ باـكـ . . . !
عاـصـفـةـ فـيـ بـيـتـ . . . ! «ـ الذـبـاحـ » . . . ! اـصـبـحـ هـذـهـ
الـاـسـمـاءـ ثـلـاثـةـ مـعـهـودـةـ مـنـ جـهـهـ النـاظـارـهـ . يـرـدـهـاـ
الـوـسـطـ الـمـسـرـحـيـ . وـهـىـ نـتـيـجـةـ سـعـيـدـةـ . مـرـةـ مـوـفـقـةـ
لـذـلـكـ الـجـهـادـ الـطـوـيلـ فـسـيـلـ الـفـنـ الـمـصـرـيـ الـبـحـثـ
اـذـ قـدـ مـضـىـ عـلـىـ مـسـرـحـنـاـ درـجـ طـوـبـلـ وـهـوـ خـاطـعـ
لـرـبـقـ الـتـرـجـةـ يـغـدـيـهـ فـرـيقـ كـيـرـ مـنـ الـمـتـجـيـنـ لـاـ يـعـرـفـ
لـهـمـ الـجـهـورـ فـضـلـاـ فـلـاـ تـجـدـهـ اـسـمـاـءـهـ مـهـماـ ضـخـمـتـ
اـمـاـ الـيـوـمـ فـقـدـ اـصـبـحـنـاـ وـفـيـ مـصـرـ مـؤـلـفـ يـحـذـبـ اـسـمـهـ

ليـسـ بـالـعـامـيـةـ الـمـنـحـطةـ ، الـتـىـ تـفـسـدـ مـوـضـوـعـ
الـرـوـاـيـةـ ، وـتـصـرـفـ الـجـهـورـ سـأـمـاـ وـازـدـرـاءـ عنـ
الـاـهـتـامـ بـسـيـاقـ الـحـوـادـثـ وـالـوـفـائـعـ . . . لـيـسـ فـيـهـاـ
تـبـيـبـ بـذـيـءـ ، وـلـاـ كـلـةـ شـاذـةـ ، وـلـاـ جـلـةـ يـنـبـوـعـهـاـ
الـنـوـقـ . . . هـىـ لـيـسـ لـغـةـ الـعـوـامـ وـالـمـسـكـنـينـ ، وـاـنـاـ
هـىـ لـغـةـ الـخـاطـبـ الـمـصـرـيـ الـتـىـ يـقـبـلـ عـلـيـهـاـ الـخـواـصـ ،
وـالـتـىـ يـرـضـاـهـاـ الـعـوـامـ

رـبـماـ تـسـتـطـعـ اـنـ تـقـولـ اـنـهـ مـوـسـيقـيـهـ ، فـهـوـ
يـنـتـقـيـ الـفـاظـهـ وـتـعـاـيـرـهـ ، وـيـكـثـرـ مـنـ ضـربـ الـاـمـالـ
وـاـسـتـعـمـالـ الـتـشـهـيـاتـ الـقـوـيـةـ الـمـؤـرـثـ ، وـيـصـوـغـهـ
جـيـعـاـ فيـ بـسـاطـةـ تـامـةـ تـرـوعـ وـلـاـ تـضـجرـ ، وـتـسـحرـ
وـلـاـ قـلـ

لـاـشـ اـنـ لـغـةـ الـرـوـاـيـةـ مـاـ يـسـاعدـ عـلـىـ نـجـاحـهـاـ
وـكـمـ مـنـ رـوـاـيـةـ لـمـ تـنـجـجـ لـاـنـ لـعـتـهـاـ كـانـ عـقـيمـهـاـ
الـجـهـورـ وـسـئـمـهـاـ فـاـنـصـرـفـ عـنـ الـرـوـاـيـةـ . . . اـمـاـ
اـنـطـوـنـ يـزـ باـكـ فـلـقـتـهـ ذـاتـ ضـربـ وـاـحـدـ ، لـيـسـ فـيـهـاـ
مـنـ الضـخـامـ مـاـيـدـعـوـ الـىـ اـسـتـجـدـاءـ التـصـفـيقـ وـاـتـهـابـ
الـاـسـتـحـسـانـ . وـلـيـسـ فـيـهـاـ مـنـ الـعـوـامـ الـبـيـكـلـوـجـيـةـ
شـىـءـ كـثـيرـ ، وـمـعـ ذـلـكـ فـهـىـ نـاجـحةـ ، لـاـنـهـ لـغـةـ
حـيـبـيـةـ لـىـ الـقـلـبـ عـزـيـزـةـ عـلـىـ النـفـسـ ، خـفـيـفـةـ عـلـىـ
الـاـذـنـ ، مـلـأـةـ لـنـوـقـ جـيـعـ الطـبـقـاتـ

وقـلـ الفـاضـلـ سـعـيـدـ اـفـنـديـ عـبـدـ الـكـاتـبـ
الـقـصـصـيـ الشـهـيرـ فـيـ جـرـيـدـهـ (ـ الصـبـاحـ) الـغـراءـ

هـذـاـ هـيـكـلـ رـوـاـيـةـ (ـ الذـبـاحـ) لـمـؤـلـفـهـ الـاستـاذـ
اـنـطـوـنـ يـزـ باـكـ اـمـاـ لـحـهـ وـعـصـبـهـ وـدـمـهـ فـسـلـسـلـهـ مـنـ
الـعـادـاتـ الـمـصـرـيـةـ وـضـعـهـ الـمـؤـلـفـ تـحـتـ مـيـكـرـ وـسـكـوـبـهـ
الـدـقـيقـ . هـذـهـ رـوـاـيـةـ لـاـشـهـدـهـ اـنـاـ ، وـلـكـنـ
تـشـهـدـهـاـ تـلـكـ الـزـفـرـاتـ الـتـىـ كـانـتـ تـتـصـاعـدـ مـنـ صـدـورـ
الـشـهـودـ بـيـنـ الـمـوـقـفـ وـالـمـوـقـفـ وـتـلـكـ الدـمـوعـ الـتـىـ
كـانـتـ تـبـلـ خـدـوـهـمـ . بـيـنـ الـحـيـنـ وـالـحـيـنـ . وـتـلـكـ
الـمـاـنـدـيـلـ الـيـضـاءـ الـتـىـ كـانـوـاـ يـرـفـعـونـهـاـ إـلـيـ عـيـونـهـ

بالاجنبية — الى حدمًا — موضوعا لقصته الثانية
فكانت (الذبائح) هي تلك القصة

ولقد قلت « الى حدمًا » لأن الاستاذ يزبك لم
ينس مبدأه الاول . لم ينس ذلك العنف الذي
يجب توفره في القصة المسرحية . حتى تفوز برضاء
ال العامة . ولذا جعل الرواج بالاجنبية أمرًا (عارضًا)
في القصة فلم يقصر عليه الفضول الاربعه . أو قل
انه وضع الفكرة في شيء يشبه (البرشامة) !
حتى يكن للجمهور أن يتقبله في غير مشقة . وبذا
خرجت (الذبائح) قصة (ميلاودرام) تبحث في
الرواج بالاجنبية . . . شيء ربما بدا غريبا
مدهشاً بالنسبة لاصول الكتابة المسرحية في فرنسا
وغيرها . ولكن مؤلفنا يحتاج بأن الشعب في مصر
يريد ذلك . . .

فانطون يزبك كما ترى كاتب عنيف يذهب في
عنقه المسرحي إلى الدرجة القصوى و تستطيع —
اذا كنت قد شاهدت قصته (عاصفة في بيت)
(والذبائح) — ان ترى كيف انه يهدى في الفصل
الأول لزلزال لا يلبث أن ينفجر في الفضول الثلاثة
الباقيه بركانا هائلًا مخيفا يقذف من فيه حما و نارا
ثم تنزل ستار على اشلاء الشخصيات والقتل متاثرة
مبعثرة !!

وانطون يزبك يكتب قصته بلغة عامية عليها
مسحة خاصة تيزها وهو — كما يظهر لي — يعاني
مشقة كبيرة في ان يجعل من تلك العامية الدارجة
قوه تعينه على النظارة في نجاح الشهد . ولذا فهو
يضعها بالتشبهات والاستعارات وهو يغالى في ذلك
كثيراً فيترك نفسه للتشبيه يتسلسل به عدة درجات

إلى حد ما — جهور النظارة وأصبحنا واذا في
مصر فن خاص يصبو الناس اليه ويتحققون به .

* *

عند ماظهرت لنفر من كتابنا فكرة التأليف
المسرحى منذ أعوام عدموا الى بحث بعض امرأتنا
الاجتماعية وحاولوا علاجها بوضع (كوميديات)
قصرت عن تحقيق ذلك الغرض . ومع أن جهادهم
كان جليلًا جديراً بالتشجيع . الا ان القصة المصرية
ذات الفكرة لم تجد من العامة ما تستحقه . اذ أن
ذلك النوع المادى — كما قلت اكثراً من مرة —
ليس محباً لا في مصر فقط بل في كل بلد تتفاوت
مدارك الناس فيه . و (الملاودرام) العينية هي
القصة المثل في نظر العالمية

فطن انطون يزبك إلى هذه الحقيقة . وعرف
ان التأليف المسرحي في مصر لا يمكن ان يصادف
نجاحاً الا اذا تقبله الشعب . فوضع قصته (عاصفة
في بيت) ومزج فيها كل ماعرفه العنف المسرحي
ثم اخرجه فرقه جورج ايض على مسرح الاوبرا
الملكية في العام الماضى فتحقق غرض مؤلفها
وصادفت نجاحاً لا أغلالي اذا قلت انه كان باهراً

ولكن (عاصفة في بيت) كانت خالية من أي
فكرة او مبدأ تدافع عنه . او تدعوه الله . فتطرق
إلى ضمير مؤلفنا شيء من التأني والتباكيت . ونظرة
واحدة ياصديق الى تدهورنا الاجتماعي تكفى
لتحريك اشد الصهاير حبروتا وقصوة . . . !؟!
ففكر في ان يسمى قليلاً ليقترب من الغرض الذى
وجد المسرح من اجله . واعترم أن يتخذ الرواج

أصحاب الرواية


حضرات الممنيين

الاستاذ يوسف باك وهبي	٥٠ سنة	همام باشا مجاهد لواء
حسين افندي رياض	٥٢ سنة	محمد باك امين مجاهد
فتح افندي نشاطي	١٨ سنة	عمان
		مرزوق
		الدكتور عبد الوهاب محمود
السيده زينب صدقى	٤٠ سنة	نور يسكا
الآنسه امينه رزق	١٥ سنة	ليل
السيده ماري منصور	٤٠ سنة	حفيظه
		سيده

سيدات زائرات . وخدمات آخر

وقائع الفصل الاول في شبرا وجري حوادث الفضول الثاني والثالث والرابع

في الحلميه بცبر سنة ١٩٢٥



الفصل الأول

غرفة المكتب في بيت هام باشا . نظامها أفرنجي بحت . رياش فاخر . مكتب جيل . كتب مرصوصة في خزانها
كراسي من الجلد نفسه . أسلحة قديمة وجديدة معلقة هنا وهناك .

الغرفة باب في وسطها يؤدي للجنيه . والى يمين الداخل منه باب غرفة نوم هام باشا .
ولها باب آخر ونافذة الى اليسار .

يرفع الستار عن حفيظه ومرزوق

حفيظه في ثياب مرضة نظيفة ومتأقنة . شعرها مضفور جدائٍ على كتفيها . ومحاطٍ بطرحة
علي صدرها فوطة بيضاء مزركشة . هي واقفة أمام غرفة النوم تعالج بعض آنية التريض « كؤوس
وفاجين » موضوعة على طاولة صغيرة
مرزوق يعمل في تنظيف بعض الأسلحة ثم يرجعها الى مكانها
آلة تلفون فوق المكتب

صور معلقة . تماثيل صغيرة وكبيرة فوق أعمدة من رخام . قصص مهملات بجانب المكتب

الم النظر الأول

حفيظه . مرزوق .

حفيظه — سيب السلاح ده من ايديك بقى . استعجل ! اخاخص امال ! (مشيره الى كرسى)
رجع دى مطروحها . وانقل السبـت ده لليمن . أنا مش قايله لك من الصبح الباشـا عايم

السبـت على اليمـين

مرزوق — طلب دانا من مدة وأنا بحط السبـت ده على الـمال ولا قالـش حاجـه . وانتـي يادوب
من امبارح في الـبيـت دـا . ايـه عـرفـك بالـلى عـايزـه البـاشـا ؟ عـجـاـبـ !

حفيظه — على كـيفـك . بـس اـخـاص . حـاـكمـ البـاشـا مـلـوشـ صـبـرـ . وـاخـلاـقـهـ ضـيقـهـ

مرزـوق — أـمـاـ اـخـلاـقـهـ ضـيقـهـ . ضـيقـهـ صـحـيـحـ . دـاـ كانـ زـمانـ هـادـيـ . وـراـيقـ . وـفـيـ أـمـانـ اللهـ

لكـنـ دـلـوقـتـيـ . توـتوـ .

حفيظه — بقى يعني اتغير الايام دى؟

مرزوق — امال ما اتغيرش . دا ما حدش قادر يقول جم في البيت دا . فين هــام باشا بتاع زمان ? . راح وجه واحد غيره . تلاقيه على طول وشه يزرد . وعيينيه تقزّز وتصغر وينفجر ذى اليمبه . وخدى عندك بقى علي شتيمه . وعلى كلام ينزل اللهمه من البقى .

حفیظه — طیب اسکت اسکت بلاش تهولیل . دا باشا وتمدن . وباين عليه طیب .
وسا کت وفي حاله . قال بیشم قل ! .

مرزوق — ليه؟ همن البشوات ما ييشتهوش؟ «يصحك ساخرًا» والله ما حد ييشتم قدمه
اسأليني أناياست حفيظه. ما هم كل العَبَّادِينَ كده. طَيِّبِينَ طَيِّبِينَ. وحشين
وحشين. تلاقى الواحد منهم رايت ولسانه حلو وكل الناس تحبه. لكن دوسى له
على طرف كده. تلاقيه فى دقيقه واحده يخرب اللي بناه فى سنن. ويرجم اللي هدمه
فى دقيقه. يتعدى سننه على بال ما يبنيه من تانى وجديد. والبلاشا بتاعنا كده.
آديني حرصتك ..

حافظه — عحایب ! قد کدا . واللہ خلاہ کدا ایہ یا تری ؟

مرزوق — هي الفلوس نعمه ؟ « يضحك ساخراً » اه ! لا ياسي الفلوس ما هياش نعمه . حليب دى لو كانت الفلوس نعمه . كان ربنا بعثها لأولاد الحال بس . لكن ادينا شاينين . التخلاليه وخرابين البيوت برضك عندهم فلوس . ويهكن يكون عندهم أكثر من غيرهم . لا ياسي . الفلوس ما هياش نعمه . دن يمكّن تكون نعمه . تعرفي النعمه حق وحقيقة هيَّ اه ؟ راحه البال وهدو السر . ياما حاتشوفي في

البيت دا اللي بайн عليه العز . . . قال من امتن في القصر قال من امبارح العصر
ياما حتتفرجي لما يقفوا همن الاثنين قصاد بعض . هيّ . وهوّ . ذى التعاين الحرانه
حفيظه — هيّ . هيّ مين ؟ اياك الست نورسكا ؟

مرزوق — شوفوا يا خواتي . دى لقطت اسمها قوام ! طيب دانا من كام سنه في البيت دا .
ولا عرفتش انطق اسمها دا ابداً . يا ختي انتوا الستات بتلقطوا اسماعي بعض على
طول .. اسمها ايه بالله عليك ؟ ايه ؟

حفيظه — ناوريسكا . « تنطق هذا الاسم مقطعاً حرفاً حرفاً »

مرزوق — نار وسكا ! نار . وسكا . هيء ! اجرنها لآخرى شعرها احمر ذى الجمر . وعينيها
زرق زى لهايلب السبير . واللهم احفظنا . دانتى ياست حفيظه شاطره صحيح . وبنطقى
اسمها دا زى اللي تكونى معتاده عليه . —

حفيظه — (تضحك فرحة) اه . اه . طيب اسكت . اسكت . روح افتح الشباك دا
خل الاوضه تهوى

(مرزوق يفتح الشباك)

انده بقى لسيدك الباشا . قول له اتفصل . احسن ما يقلق . وعلى بال ما يجبي .
اكون انا انتهيت من دول

(مرزوق يتجه للباب الثاني)

لا ! سيدك البasha نزل الجنينه « تشير الى باب الوسط » روح من الباب دا
مرزوق — نزل الجنينه ؟ دا كان فى الصالون دلوقتى بس . وكان فاتح الخزنة الحديد . ويفتش
فيها . . ايه عرفك انتى انه راح الجنينة . هو انتى مراقباه .

حفيظه — ايوه مراقباه . مش عيان . روح انده بلاش غلبه . روح .

(يخرج مرزوق)

المنظر الثاني

حنفيظه — وحدها . تسرع في تنظيف الآية ثم تحمل الطاولة الصغيرة وتدخلها غرفة النوم وهي تتقول :
النكد هد حيله ! هد حيله ~~النكد~~ .. طبعاً .. دا النكد يهد جبال . مش
حاجه يهد بني آدم .

المنظر الثالث

هام باشا — حفيفه — مرزوق

هام با أكيل . وقور . مليح الوجه . باد عليه أثر المرض . ثيابه في غاية التائق وعليها معطف من الجوخ مزمن بالارو — ساعد، الاسير مربوط . واسكن اللقافة منكك . يدخل على مهل وهو يحاول احكام اللقافة ييد واحدة فلا يستطيع . يدخل مرزوق

حنفيظه — تقف باحترام بجانب باب غرفة النوم

هام — «وديعاً» . مرزوق ! .

مرزوق — «مهرولا» . افندم ! نعم !

هام — صلح الرياط ده .

مرزوق — حاضر يا سيدى .

هام باشا يجلس على كرسى واسع ويمد يده الى مرزوق وهذا يعمل في اصلاح اللقافة .

هام — الولد موزع الجرانييل ما مرش .

مرزوق — لا يا سعادة الباشا ما مرش ؟

حنفيظه — «مصححة» صر يا سعادة الباشا . ورمي الجرانييل في الصندوق . وخرج . انا شايفاه من ورا القزار .

هام — «لخفيظه» ولا حدش سأّل عن بالتلفون .

حفيفه — «تقرب» محمد مك أمين سأّل من شبرا . قلت له الباشابخير واحسن كتير . قال انجاي .

هام — « لنفسه في تضجر » على ايه ؟ حاجبى ليه ؟ — « ثم يقول لمزوق متأللاً ». حاسب ! على مهلك ! . — الله ! « في هذه اللحظة يسمع قرع الجرس من الخارج »

حفيظه — « لمزوق » روح انت شوف اللي يضرب الجرس دا مين . وسيب الرباط دا .

مزوق — « ينظر الى حفيظه متأنفاً ثم يقول » . حاضر « ثم يخرج »

حفيظه تأخذ موضع مزوق . وترتبط اللفافه بمنفة وليلقه

المنظار الرابع

هام — حفيظه

هام — الست ما نزلتش من فوق ؟
حفيظه — ما شفتهاش يا سعادة البasha .

هام — وعثمان رجع من المدرسة ؟

حفيظه — نعم . رجع يا باشا وقال لما تخلصوا من ترتيب المكتب ابقو ابتعوا الى اجي اشوف بابا .
« صوت من الداخل »

محمد بك امين — ازاي البasha النهارده يا مزوق ؟ مش احسن ؟ الحمد لله . الحمد لله .

« حفيظه تنهى من ربط اللفافه . وعند دخول محمد بك امين . تدخل هي الى غرفة النوم . وتترك باهها مفتواحاً وتجلس على كرسى فيها فيكون نصفها ظاهراً للجمهور . وتصنفى لكلامها باهتمام صامت .

المنظار الخامس

هام باشا — محمد بك امين — حفيظه

محمد — اجر وعافية ! الحمد لله على سلامتك ياهمام ! قال خرجت شويه للجنينه .

هام عاتباً — عاش من شافك من يومين يا محمد . ايوه قول اروح أطل على اخوي المرجي ده .

محمد — مرمي ! لا سلامتك من الرميه . ما تقولوش كدا أبداً . داحنا كلنا فداك . بس أنا

انشغلتاليومين دول في حسابات الدائرة . حاكم السنة قربت تنتهي .
وكان الحكيم مطمئنٌ عليك من أول امبارح . قل البasha طاب الحمد لله . ما
ترعلىش ياخوى والنبي . يعني مانا كل يوم عندك . اجر وعافية ياهام . اجر وعافية .
الحمد لله على سلامتك . مادمت طيب بخير . ما تقوم بنا نروح عند حبينا
الأنصارى بك . نحضر كتب كتاب بنته . احسن من قعادك في البيت

هام — مين اللي قادر يخرج يا محمد . الروماتيزمو مكسحنى . وخاين من البرد . لكن
اهم كلهم رايحين . عثمان . وليلي . ونورسكا . ابقو اعتذر واعني . بي لو كان
ابنك حسن مستهدي . مش كان هو أولى في بنت الانصارى اللي اسمه حبينا .
وعارفيها . وعارفيها . ومتربيه على ايدينا .

محمد — والله يا هام أنا مش مستجرب افتح لك السيره دي . قلت بلاش تغمه . لما
يطيب فيها فرج . ده حسن من يوم مارجع لي من اورو با . وهو يقول انا ما
اججوزش الا افرنجيه . ولايف لى على بنت اوروبا فيه في الخته . وقال عايز يتجوزها .

هام — «كأن عقر باضربه فيقف مذعوراً» ايه ؟ بتقول ايه ؟ افرنجيه ؟ افرنجية ايه ؟ احنا لسه
ما خلصناش من الافرنجيات ومن مصابיהם . همن الافرنجيات مش راجعين عن
البيت ده . الا لما يحييوا خبره . ويخلوا عاليه سالفه . وساكت حضرتك على
كدا . ومخبي عليّ كان . وسايب الجدع على شعر راسه . لاجل ما الفكره دي
تحتمر في دماغه . وينفذها يوم من الأيام .

محمد — والله أنا مش ساكت ياهام . وبنصحه كل يوم . لكن مش قادر عليه . وأخر ما
غلبت . قلت اروح هام احكى له .

هام — «ساحراً في غضب شديد» يتنصحه ؟ اناعارف نصيحتك دي «مقلداً صوت محمد»
يا وند احنا مانه ناويا اللي مش من جنسنا . ماهم بناتنا كتار «بس ادي اللي

تقوله . وتسبيب الجدع يفرق كل يوم شويه . لغاية اما ييجي يوم يفرق لشوشه
ولا حدش يعرف ينجيه .

محمد — بس انا حاقدر اعمل ايه غير كدا . دا بي راجل . وواحد الشهادة . قال ان
كبرا ابنك خاويه .

هام — راجل ؟ ابن ٢٢ سنة راجل ؟ مين قال ؟ وان كان راجل ؟ تقوم تسبيبه يا كل حالوه
مسوممه . وانت عارف انها مسمومه . ولا تخطفهاش من بقه وترميها بعيد .
طيب دانا اهون على اشوف حسن في اللومان . سامع ؟ في اللومان . والا اشوفه
مكسح بيجرجر ايديه ورجليه على الاسفلت . ولا اشوفوش متجوز واحدة افرنجيه
محمد — لكن يا همام .

هام — « يقطع كلامه » ياشيخ اسكت لي كده . انصح ابنك . وبعدين ازجهه .
وآت وعده . وان ما اسمعش منك . عضه باسنانك ذي ما القلط بعض اولادها وشيله
واهرب بيه لبلد غير البلد دي . ولا تلتقتنيش وراك .

محمد — والله . لو كانت علي أنا وحدي كانت هانت . لكن اللي اعمله انا تجيء امه تلخفيه
« مقلداً » ما تقهرش الجدع . الجدع يعيها . الجدع يقتل نفسه . هو احنا عندناكم ولد .
هام — « يصيح هازنأً » . اه . اه . اه . الجدع يقتل نفسه ! اه . اه . اه . قال يقتل نفسه قال .
ياني ما تخافش . ما هواش حا يقتل نفسه . احنا في شهر ديسمبر . اه . اه .

محمد — « باستغراب » شهر ديسمبر !

هام — ايوه في شهر ديسمبر . وجد عانينا ما يقتلاوش نقسم في شهر ديسمبر أبداً — دول ما
ينتحروش الا في يونيه والا في يوليه . لما يسقطوا في الامتحان . اه . اه . اه .
المجانين ! المغفلين ! قل بيقي الواحد منهم زي فلقة الصبح . ابن ١٧ سنة . يعني
ملك الكون داكله . قل ويروح ينتحرلى قال كمنه سقط في الامتحان

ابنك عدا الامتحان والا لأ؟ مش اتقبل وخد الشهادة؟ بس ما تخافش عليه
بقى . وحط في قلبك بطيخه صيفي . ما هو اش حا ينتحر ابداً . لا من حب ولا من
غرام . ولا من مصيبة . ولا من ذل . ولا من عار . ولا من حاجة أبداً . قول لامه
ترى بالها . وتقعد ساكته . ما حدش حا ينتحر .

محمد اعوزه بالله؟ دانت ما بتروحش . طيب ويكون الجدعان دول ينتحرروا من هموم
تاينه طهقت روحهم . ويكون سقوطهم في الامتحان حجة بس . دانت عسكري
صحيح . قلبك قاسي .

همام — «غاضباً» امال انا ناظر وقف زيك؟ لاً. الجدع ما وراهش هموم . هموم ايه دى
بتاعة الجدعان . طيب دانا عندي ابنك ينتحر . انت سامع؟ يضرب نفسه
رصاصه . انت سامع؟ ينتحر مرة واحدة . في ضربة واحدة . ولا ينتحرش
في كل يوم . وكل ساعه وكل دقيقة ميت مررة . «في حزن شديد» ياريتني اتحرت
انا يا سيدى . كفنت ارتحت .

محمد — هه؟ احنا رجعنا بقى . ياريتني ما فتحت السيره دى . انت عيان يا خوى .
همام — (يروح ويجيء) ياريتني اتحرت انا يا محمد ولا شفت يوم من الايام اللي مرت
على دى . ما تقول لا بنك شوف عماك همام باشا . اللوا همام باشا . مكسر .
ومضمض . ومكسح . ذى العسكري الخارج من موقعه حر بته . «يرفع صوته»
وكل دا ليه؟ . اصله ايه؟ . ما قتلتش! . ما زنتش! . ما سرقتش!
ما خربتتش بيت حد . «يرفع صوته أيضاً» ما ظلمتش حد ! اتجوزت واحد
افريحيه بس .

« في هذه اللحظة تخرج حفيظه من غرفة النوم وتجه نحو الباب الآخر وتتناول صينية من خادم ثفرت على ذلك
ذلك الباب . فوق الصينية فنجانان قهوة . وكاسان ماء
محمد — «مشيراً إلى المرضة» هس ! هس !

المنظـر السادس

هام باشا . محمد . حفيظه

(حفيظه تقدم القهوة لحمد بك ولا تقدم شيئاً لهام باشا .)

هام باشا — يعده يده ليأخذ فنجان . ولكن حفيظه تأخر خطوة وقول

حفيظه — العفو يا باشا . لكن الحكيم حرج عليًّا . قال الباشا ما يشرب شفاعة ابداً .

هام — الحكيم ! حرج عليكي . حتى فنجان القهوة محروم على . « يهز رأسه بحزن »
كترا خيرها . ولسه .

« يتنفس طويلاً . ثم يقول . »

طيب سيري الصيني دى هنا

حفيظه ترك الصيني فوق احدى الطاولات . ثم ترجع لكتابتها الاول

المنظـر السابـع

هام باشا . محمد .

هام — « عائدًا لحديثه » عشرين سنـه وانا في الحاله دـى . لا يوم ولا اتنين . يا ما ضربت
راسـي في الحـيط . يا ما مـزقت هـدوـي وخرـجـتـ منـها . يا ما تـمـرـغـتـ في الـأـرـضـ
وـاتـلـوـيـتـ زـىـ التـعـبـانـ المـضـرـوبـ عـلـىـ دـمـاغـهـ .

محمد — بـسـ بـقـيـ ماـ تـزـيـدـهـاـشـ اـمـالـ !ـ وـهـيـ عـامـلـاـكـ اـيـهـ ؟ـ ماـ هـيـ قـاعـدـهـ فـيـ بـيـتـهاـ .ـ وـلـاـ حـدـشـ
سامـعـ لهاـ صـوتـ .ـ اـمـالـ لـوـكـانتـ زـىـ الفـرنـجـيـاتـ التـانـيـنـ كـنـتـ عـمـلـتـ اـيـهـ ؟ـ .ـ

هام — مـينـ هـمـنـ الفـرنـجـيـاتـ التـانـيـنـ .ـ وـهـمـنـ الـافـرـنجـ بـيـجـوزـونـ مـينـ بـنـاـتـهـمـ .ـ ماـ هـمـ اـكـتـرـهـمـ
ياـ تـكـوـنـ موـمـسـ .ـ يـاـ تـكـوـنـ كـارـيـرـهـ .ـ يـاـ تـكـوـنـ بـيـاعـهـ فـيـ مـخـزـنـ .ـ لـاـ يـاسـيـدـيـ اـنـاـ
مـصـيـقـيـ اـكـبـرـ .ـ اـنـاـ مـتـجـوزـ وـاحـدـهـ طـيـبـهـ .ـ مـنـ عـيـلـهـ طـيـبـهـ .ـ

محمد — والله ياهـامـ اـنتـ اـمـورـكـ عـجـبـ

هام — «يقطع عليه كلامه» وانا قلت لك انها بتزنى ! . انها خباصه ! ياخى لا . الزنى دا دواه قريب . كله واحده ولا رصاصه واحده تداويه . لكن لو جبتهما المره الطيه دى هي وجدودها . وجبتنا احنا وجدودنا . وجردت لجنا ولمهم . وعجبت اللحم دا في بعضه . ودقيته . دقيته لغايته اما تنعنه وتخليله زى المرهم . وحططته في حله واحده . وعملت منه مرقة . تطلع مرقهم لوحديها . ومرقتنا لوحديها . محمد — يا حفيظ .

هام — تمام زى ما بقولك كدا . داحنا أولاد الصحره المحرقه . وهمن أولاد المعاور المنقوره في الجبال المشلجه . دا اللي بيجرى في عروقنا نار سايله . ما هواش دم بنهب هبة واحدة يا قاتل يا مقتول . وهمن الواحد منهم بعض باستانه على زور الواحد منا . ويموت عليه . ولا يشلاش انيابه الا اما يخطف روحه في بقه . داحنا من عشرة آلاف سنن متخصصين وياهم . وهمن متخصصين ويانا . سنن نكتسح بلادهم . وسنن يكتسحوا بلادنا .

دول بيكتبوا من الشمال لليمين . واحنا بنكتب من اليمين للشمال . دول لما يخشوا كنایا لهم يقلعوا برا نيطم . واحنا بنقلع جزمنا لما بنخش جوامعنا . داشى في الدم . في الدم يا محمد .

محمد — طيب انت ما كتش عارف دى يا همام . داشىء عمومي . وهي زنبها ايه في دا كله .

هام — هي ! .. هي ! .. دى المره منهم بتعتبر تقسها جزء من الهيئة الاجتماعية . قبل ما تعتبر تقسها جزء من العيلة . واحنا عايزين نسوانا يعتبروا تقسهم جزء من العيلة . قبل ما يقولوا احنا جزء من الهيئة الاجتماعية : دى الواحده منهم عاوزه حقها قبل كل شئ . وان سألهما ايه هو حرقك دا . تقوم تحبب لك الكلام اللي تعلمهه في كتبهم . وتقول لك اهو حق . الارض وما عليهم . وما فوقها . وما

تحتها . والنجم والكواكب . واللبس . والغدرة . والحرية . والرقص . كل شيء
وانا . وانا ياستي . حقى ايه . ولا حاجه . أبداً . غاية ما هنالك تسمحلك الاست
نور سكا انك تبص لديل فستانها المجرجر .

يوم ما دخلت بيتي الاست نور سكا قالت انا ملكاك . كلي لك . لكن بعد
سنن رجعت لطبيعتها القديمه . نكتت وقالت لا انا حره . جسمى وعقلى دول
ملک . وعوايدى واخلاقى . دول انا ما اغيرهمش . انا حره ! واما تقول لها لأن
ياسى انتى ما انتيش حره . تقوم تبص لك كده بصره مقلوبه . ذى اما تبص
لحيوان وسخ . وتقولك انتوا ! انتوا كلكم كده .

«يرفع صوته» . انتوا . قتلنى ضمير الجمع المخاطب . عدمنى العافية ضمير
الجمع المخاطب . بتحملنى الاست نور سكا ذنوب الشرقيين كلهم .

محمد — لكن يا همام اللي تجوزوا افرنجيات كتار . وكلهم يقولوا انهم مر تاحين .. اشمعنا
انت بس ؟ .

همام — كدا بين . ما حدش مر تاح منهم . دول بس بيخشنوا من الناس . «يرجع الى حديثه»
آدى الحرب اللي قامت بيني وبين الاست نور سكا من عشرين سنن ولساما
انتهش للنهارده . لكن آهي حاتنهبي ! . واحد منا لازم يقع من طوله . ويتف
ريته من بقه ويوت . واحد منا لازم يقع . شوف «يريه يده المربوطه»
شوف ! «يحمل رجله بيده» دانا اتكسرت . واتضحت . لكن مش انا اللي
حاق في الاول . أبداً

صوت نور سكا من الداخل

فيديو ! فيديو ! فيديو !

همام — «ساختا» سامع ! سامع ! بتندى كابها . بتسأل على كلها . خايفه على كلها
وانا عيان ولا سألتش على . وقالت ازيه .

« يروح وييجي كأنه مجنون . مشيراً بعنف يديه وينادى نداء قوياً « مين اللي
يشترىء همام باشا . اللوا همام باشا . ويأخذ ماله عزه . وجاهه . بيوم
واحد راحه !

ثم يقع على المقعد وهو يلهم تعباً

محمد — « مضطرباً ». **كباية** ميه ! الحقونى **كبباية** ميه ! يا شيخ له كده . عليك من
ده ايه بس ؟ مرزوق ! . **كباية** ميه . الشباك . افتحوا الشباك .
(ويذهب الى الشباك ويفتحة)

حفيظه تخرج مضطربه . وتأخذ كاس ماء من صنية الفهوة

الم النظر الثامن

هام باشا . محمد . حفيظه

حفيظه — « بلهفة » اتفضل ! اتفضل ! الميه اهي .

هام باشا يشرب على مهل . مرزوق يدخل وفي يده كاس ماء . ولكنه يخرج اسفاً بعد أن
ينظر الى همام باشا طويلاً
« حفيظه تعود الى مكانها »

هام — قول لا بنك . روح لعمك همام . واسأله

محمد — ما يتلقى ابني . احنافيك والا في ابني . ان ما عجبتوش ياسيدى يبقى يسيبها .
هام — يسيبها ! دى بتنظظ عنيه الاثنين . وتحطهم على كفها . وتلعب بهم الطلع .
قال يسيبها قال !

وانا ما سيبتش دى ليه ؟ لكن حاعمل ايه في ابنها عثمان ؟ حاعمل ايه في ليلي بنت
اختاك . اللي فاتتها لى يتديمه من الا ب والام . حاوديهم فين الاثنين دول .
وحاعمل ايه في عيشة القرف . دى اللي اعتدت عليهما . الواحد منا لما يعتاد على
النكد ما يعدش يعمل حاجه علي شان يخلص منه . وانا اعتدت عليه . « سكوث عميق »

ما كانتش عجباني مراتي الاولاينه ؟ امينه بنت مصطفى الصياد . اللي من المنصوريه
محمد — دى ما كانتش سيره واقتحمت . حقه اتنو العصبيين ! . . .
همام — « يتم كلامه » ما كانتش عجباني امينه بنت مصطفى الصياد اللي من المنصوريه .
حييت عليها است نور سكا . وطلقها على شان خاطرها ؟ .
كنت اقول عليها دى غشيمه . وجاهله . ومدهوله .

أهور بنا انعم علي بالرشقه . المتعلم . الشاطره
محمد — اللي فات مات يا همام . احنا حا تقدر تندب علي فات من عشرين سنه .
همام — آه . على أيامها ياما كانت حلوه . انت لساك فاكري يا محمد . لساك فاكري أيام الفيوم
لما كنت تاخد مراتك سنيه . وانا اخد مراتي امينه . وبحرى زى العشاق . من
جيئنن جئينه . يوم في اللاهون جنب القنطره الرومانيه . . . ويوم في الوادى . ويوم
جيئنن الصفاصاف . . . يا ترى تعود الايام ؟ لكن حا تعود منين ؟ احنا الرجاله
لما يبقى عمرنا خمسين سنه . ساعتها بس تفهم اللي كان واجب نعمله ايه . واحنا
أولاد عشرين .

ما كانتش عجباني ؟ . قلت لك انا حاجوزدى . خدادى امينه ورقها .
آه . آه . آه « يضحك متالما »

محمد — يا ترى لو شفتها دلوقتى تعرفها يا همام ؟
همام — امال ما اعرفهاش ؟ دى اول بختي في الدنيا ! ما اعرفهاش ازاي ؟ دانت لوحظتها لي
وسط عشرين سنه . وخليتها تغطي وشهها وايديها وجسمها . كنت دغرى اقولك
امينه اهيه ! .

هو حد ينسى اول بخته في الدنيا دى أبداً يا محمد .

في هذه اللحظة تدخل حفيظه وتتجه نحو الشباك وتغلقه .

المنظر التاسع

همام باشا . محمد . حفيظه

همام — انتي بتقفل الشباك ده ليه ؟

حفيظه — الدنيا طرت . والحكيم قل لازم تقفل الشبابيك بدرى . ماتكلوش الا الشباك

العربي هو المفتوح

همام — كتر خيرها . ولسا ! « حفيظه تعود الى مكانها »

المنظر العاشر

« يدخل عثمان وليلي في ثياب انيقة »

همام . محمد . عثمان . ليلي .

عثمان — سلامتك يا با . سلامتك . مالك

ليلي — سلامتك يا خالي . بعيد الشر . مرزوق خصينا

همام — بسيطه يا بنتي . دوخره صغيره . وزالت الحمد لله

ليلي — الحمد لله . يا خالي . اهلا خالي محمد

« ليلي وعثمان يقتربان من محمد ويقبلان يده بكل محبة »

محمد — اهلا بالحلوه . اهلا با ابو عفان

ليلي — انت فين من زمان ما بتنش يا خالي .

محمد — انا جاي النهارده مخصوص علي شاذك

ليلي — ايوه انحلك علي انت . والنبي ما اصدقك أبداً .

محمد — وجايب لك الجام الي قلتى لى عليه . اهو . صدقتي دلوقتى . « يخرج عليه من حيبه »

ليلي — « نفتح العلبه » الله ! كتر خيرك يا خالي ! ايوه صدق . شوف يا عمان
عثمان — اما اشوف ! وريني كدا

(ينطف العلبه ويضعها في جيه)

ليلي — « تصنعن المكان به » شوف يا خالي عثمان خطف العلبه
همام — « وهو يفتح الدرج على مهل » . ما تكايدهاش يابو عفان . رجع لها العلبه يابني .
عثمان — يا بابي . وانا كنت حاكها . فتاته . خدى اهيه
ليلي — آه . آه . آه . « تضحك »

عثمان لحمد — زى ما جبتلها خاتم . تحبيب لي حاجه انا لاخر زيه . بس
ليلي — يا ما الغيره عره . آه . آه . آه .

عثمان — تحبيب لي فلم للقوتوغرافيه بتاعتي . واجزا كان للقوتوغرافيه
همام — « وهو يفتح الدرج » انت حا تشغل نفسك بالقوتوغرافيه يا عمان . ومدرستك .
« لحمد » يا ما بدأ في الاولاد دول يا محمد .

محمد — يا خى ربنا يخليلهم وينخليلك . ويدلعوا يا باشا . حاضر حاجيب لك الاجزا والعلم
القوتوغرافيه بتاعتك . حاضر .

المظار الحادى عشر

تدخل نور سكا

همام . محمد . ليلي . عثمان . نور سكا

نور سكا — انتوا لسا ما لبستوش ؟ . يالله امال . يالله ياليلي . روحي اتبرقعي وتعالى .
« تنظر لحمد بك » اهلا محمد بك ! ازى سنئه . ؟

محمد — بخير يا نور سكا سبقتكم قدامي لبيت الانصارى بك .

نورسكا — يالله امال ياليلي ! . والبسى برقعك الاسود . « تضحك ساخرة » خالك البشا عاوز
كدا . آه . آه . آه .

همام — وماله برقعها الاسود ؟ البنـت لما تـرك بـرقعـها بـصـوـبـعـها وـترـمـيـهـ على طـولـاـيدـهـاـ . بـتـرمـيـ
نصـجـالـهـاـ مـعـاهـ . وـلـاـ تـقـطـرـعـهـاـ وـعـايـزـهـ تـحـمـلـ حـمـلـ الـرـجـلـ بـتـضـيـعـ نـصـ جـالـهـاـ الثـانـيـ .

نورسـكاـ — وـمـالـهـ ! . لـكـنـهـاـ تـبـقـيـ حـرـّـهـ . وـالـحـرـيـهـ أـحـسـنـ منـ الجـمـالـ .

همـامـ — آـيـهـ ؟ ! الـحـرـيـهـ أـحـسـنـ منـ الجـمـالـ .

نورـسـكاـ — طـبعـاـ ! حـرـيـتـهـاـ لهاـ . لـكـنـ جـالـهـاـ . لـكـمـ اـنـتـواـ بـسـ يـارـجـالـهـ .

اطـلـعـيـ يـالـيلـيـ . « لـيـلـيـ تـخـرـجـ » .

همـامـ — « فـغـضـبـ » نورـسـكاـ ! . أـنـامـيـتـ عـرـّـهـ . قـلـتـ لـكـ الـكـلامـ دـهـ مشـ عـايـزـ قدـامـ
الـبـنـتـ . وـدـيـنـيـ . إـنـ قـلـتـيـهـ تـأـنـيـ مـرـهـ قـدـامـهـاـ . لـاـ طـلـعـ الـبـنـتـ دـىـ منـ الـبـيـتـ دـاـ .
وـاـوـدـيـهـاـ عـنـدـ خـالـتـهـاـ عـيـشـهـ فـيـ طـنـطاـ .

نورـسـكاـ — « سـاخـرـةـ » . آـهـ . آـهـ . آـهـ . وـفـ طـنـطاـ مـاـحـدـشـ حـايـقـولـ هـاـ الـكـلامـ دـاـ ..

محمدـ — (يـقـصـرـ الشـرـ وـيـدـفعـ نـورـسـكاـ بـأـدـبـ) يـالـلـهـ يـاـنـورـسـكاـ . يـالـلـهـ اـحـنـاـ اـتـأـخـرـنـاـ . اـسـبـقـيـنـاـ .

(تـخـرـجـ نورـسـكاـ)

المنظـرـ الثـانـيـ عـشـرـ

همـامـ — محمدـ

همـامـ — (فـغـضـبـ شـدـيدـ) . آـهـ ! وـلـساـ . يـاماـ حـاـنـشـوـفـ .

محمدـ — مـاعـلـهـشـ يـاخـوـيـ . طـوـلـ بـالـكـ حـاتـعـمـلـ اـيهـ . مـاـتـنـشـ فـاضـيـ لـلـدـوشـهـ وـوـجـعـ الدـمـاغـ .

همـامـ — (مـؤـكـدـاـ) صـحـيـحـ مـشـ فـاضـيـ . عـافـيـتـيـ اـنـدـهـبـتـ .

محمدـ — قـومـ اـرـتـاحـ . أـنـاـ مـرـوحـ . وـسـيـبـ الـادـرـاجـ دـىـ الـلـيـ بـتـفـتـشـ فـيـهـاـ مـنـ الصـبـحـ ..
(سـكـوتـ)

(هـمـامـ يـبـحـثـ فـيـ الـادـرـاجـ)

همام — الا قل لى والنبي يا محمد . او راق الانصارى بك . بتوع المجلس العسكري .
مش لاقيهم .

محمد — (مذعوراً) . بتقول ايه ؟ . مش لاقيهم ؟ . مش لاقيهم ازاي ؟ حاير وحوا
فين يا همام .

همام — مش عارف . دخت وأنا اقتش عليهم . مش لاقيهم . دورت عليهم في الخنة
الحديد . هنا . وهنا . مش لاقيهم .

محمد — اوعي يا همام ! . حسب والنبي . دا الورق ده وراه خراب بيت كتيرة .
انت ما من خدامينك ؟

همام — قوى ! كلهمولاد حلال . من عشر سنين عندي ..

محمد — والمرضه دى . الجديدة . عارفها ؟

همام — دى لأ . دى باعتهالى اختك عيشه من طنطا امبارح بس . وموصياني عليها قوى .

محمد — وبعدين بقى ؟

همام — روح أنت الفرح . وسيبني . أنا حافتتش لغاية ما اعتر عليهم .

محمد — « يقول وهو خارج » والله دى شغلانه لآخرى . نهايته . خليتك فى عافية .

همام — الله يعافيك يا محمد . ماتعبيش عليّ ياخوى

محمد — حاضر ! ياسلام .

الم النظر الثالث عشر

(تدخل حفيظه وفي يدها زجاجة دواء ومعلقة صغيرة .)

حنفيظه — اتنصل الدوا يا سعادة الباشا . الحكيم قال كل ساعتين معلقة . اتنصل .

همام — « يا خذ المعلقة ثم يقول متبرماً » . أَفَ ! ؟ انتى مش حاترجيفي من الدوا دا . ابدأ

حفظه — أمر الحكيم يا بasha . « تأكـد من أن النافذة مغلقة »

هام — هو الشبـاك ده عـمالـك اـيه؟ مـاتـسيـيـه مـفـتوـح شـويـه (يـقول هـذا وـهـو يـفـتح خـزانـة الـكتـب)

حفـظـه — أمرـالـحـكـيمـيـاـباـشاـ.

سكـوتـهـ تـتجـهـ نحوـ غـرـفةـ النـومـ . وـفيـ يـدـهاـ الصـينـيةـ

هام — « يستوقفـهاـ» مـينـالـلـيـ تـقـضـ الدـوـالـيـبـ النـهـارـدـهـ؟

حفـظـهـ — حـرـزـوقـ يـاسـعـادـةـ الـبـاشـاـ.

هام — هوـانـتـيـ بـتـعـرـفـ أـخـيـ عـيـشـهـ مـنـ زـمـانـ؟ـ . دـىـ مـوـصـيـانـىـ عـلـىـكـىـ قـوىـ .

حفـظـهـ — أـعـرـفـهـاـ مـنـ زـمـانـ قـوىـ يـاـباـشاـ.

هام — بـقـىـ عـلـىـ كـداـ اـنـتـىـ مـنـ طـنـطاـ.

حفـظـهـ — لـاـ يـاـباـشاـ أـنـاـ مـنـ الـمـنـصـورـةـ.

هام فـرـحاـ — مـنـ الـمـنـصـورـةـ؟ـ . وـالـنـبـيـ؟ـ . وـبـتـعـرـفـ مـينـ فـيـ الـمـنـصـورـةـ .

حفـظـهـ — كـلـهـمـ . الـمـعـارـفـ كـتـارـ يـاـباـشاـ.

هام — يـاتـرىـ تـعـرـفـ بـيـتـ الصـيـادـ مـنـ الـمـنـصـورـةـ .

حفـظـةـ تـرـجـفـ فـتـقـعـ الـآـيـةـ مـنـ يـدـهاـ . فـتـجـنـيـ وـتـشـرـعـ فـيـ التـقـاطـهـاـ

حفـظـهـ — أـعـرـفـهـمـ يـاـباـشاـ . (تـجـمـعـ الـآـيـةـ وـهـيـ تـقـولـ)

قالـ دـلـقـواـ الـقـهـوةـ مـنـ مشـ عـارـفـهـ اـيهـ . قـالـواـ الـخـيرـ جـاهـمـ .

هام — (باـهـتمـ) . مـعـلـهـشـ . مـعـلـهـشـ . سـيـلـهـمـ عـنـكـ . حـرـزـوقـ يـلـهـمـ . وـتـعـرـفـ مـينـ مـنـ

بـيـتـ الصـيـادـ فـيـ الـمـنـصـورـةـ .

حفـظـهـ — « فـيـ حـزـنـ ظـاهـرـ » اـعـرـفـهـمـ كـاهـمـ يـاـباـشاـ . دـولـ اـعـزـ الـحـبـابـ . وـاحـناـ وـيـاهـمـ زـىـ الـاخـوهـ .

أـعـرـفـ بـيـتـ عـبـدـ السـلـامـ الصـيـادـ . وـبـيـتـ عـبـدـ الصـابـرـ الصـيـادـ . وـبـيـتـ مـطـقـيـ الـصـيـادـ

الـلـهـ يـرـحـمـهـ .

هام — الله يرحمه؟ . ليه؟ . هو المسكين مات...

حفظه — تعيش انت يا باشا.

هام — مسکین ! ياعم مصطفى ! لاحول ولا قوة الا بالله . من امتن مات؟ . من زمان؟

حفظه — من عشر سنين ياسيدى .

هام — « في حزن عميق » لاحول ولا قوة الا بالله . وأولاده؟ تعرّف أولاده .

حفظه — اعرفهم . محمود ابنته لما شاف أبوه خسر ماله ومال اعمامه في القطن هج وراح السودان . فضل الراجل ينقر هام خسر فلوسه . وهام ابنته هج . فضل ينقر لما .
اعطاك عمره .

هام — لاحول ولا قوة الا بالله . مسکین ياعم مصطفى . دا كان له بنت اسمها أمينة هليت ماتعرفها لآخرى .

« حفيظة تجھش بالبكاء »

هام — انتي بتتعيطي ليه . « حفيظة تعطي وجهها وتختنقها العبرات » الله ! همن كانوا عزاز عليكى ؟

« حفيظه تأخذ الآية وتشرع بالانصراف »

حفظه — قوى يا باشا ! قوى ! .

هام — (مؤكداً) همن كانوا ينجبووا صحيح . كانوا ناس طيبين
« حفيظه عند الباب »

هام — (يستوقفها) ما قلتيليش ؟ أمينة بنت عمك مصطفى الصياد . طيبة . والا ايه ؟

حفظه — « على مهل » طيبة يا باشا . لكن ياريتها كانت ماتت كان احسن لها .

هام — (باهمام) ليه هي مالها ؟ . جرى لها ايه ؟ .

حفظه — ما مالهاش يا باشا . لكن . نفع النسوان ايه لما الرجاله تقوتهم ويروح كل واحد منهم في قسمته .

هام — ياريت كل النسوان تتول زيك يا حفيظه . ماقاتيليش ؟ . وأمينه . ما تعرفيش
هيَّ فين دلوقتي .

حفيظه — «تنجر بكاءً وهي تقول» أعرف . أعرف .

هام — «يقترب منها مضطرباً ويرفع الطرحة قليلاً» هيَّ ! . أmino ! هنا . في البيت دا ؟ . مرضه ؟ .
(سكت طويل)

هام — اذا قلبي اتعى من عشرين سنة . وبعد عشرين سنة اتعى عيني كأن .

حفيظه — معدور . عشرين سنة . دول عمر ياسيدى .

هام — (منجرأ) سيدك ؟ . أنا سيدك . من امتن كأن التاتل سيد القتيل «ينظر اليها ملأاً
ويقول بحزن عيق» أمينة زوجة الصاغ هام افندى مجاهد ! صبحت مرضه . خدامه
والصاغ هام افندى مجاهد صبح لوا . وبasha . آه . آه . آه «يصحح في ألم»
وانا بقول يا ربى أنا كنت عملت ايه . على شان تحكم على بالشقا ده كله أنا ما
خر بتتش بيت حد . أنا ماظلمتش حد . قل ماظلمتش حد قول . ودى مين اللي ظلمها ؟ .
قل ماخر بتتش بيت حد قال . ودى مين اللي خرب بيتهما ؟ . أتاري رينا ما يحدش
الناس بالطوب ! . أتاري يطول الحبل ويذكر . ويبعت مال وأولاد ويذكر . ويبعت
عن وجاه ويذكر . ويذكر . ويقوم ببعت السنت نورسكا ويام .

حفيظه — قسمتى يا باشا . اللي كان مكتوب عليَّ جاز عليَّ .

هام — جاز عليَّ . وانا اللي كان مكتوب عليَّ جاز عليَّ انا لا آخر . ماتخافيش . رينا انتقم
لك مني . يوم يوم . سننه سننه . زي ما قال . انتي قعدتى سنتين معاي . وظلتك .
قام رينا ظلمنى عشرين سننه . هو قل الحسنة بعشرة من امثالها . والسيئة بمثلها .
لكنه جاز انى بعشره من امثالها . أنا دجتك بكمه من عشرين سننه قاهر بنا بعثت
لى نورسكا من عشرين سننه . كل ماهات قدامي أشوف خيلاك بيني وبينها .
زي قابيل لما قتل أخيه . ولا قدرش يواري جنته . تمام . زيده .

« سکوت »

همام — وانتى عملتى أيه يامسکينه من يومها ؟ .
حفيظه حاعمل ايه ؟ أول سنن استرجيت . وتنانى سنن قالوا لي انك سافرت السودان .
يأست وسكت . ولما دار علينا الزمان . عملت مرضه . حاعمل ايه ؟ .
وعرفت اختك عيسى هام . وهى عرفتني . قالت البالاشا م فهو . قلت اشوفه .
قالت البالاشا عيان . قلت اشوفه . قالت حاتشوف فيه فين داعيان ولا يخرجش أبداً .
قلت اروح . مرضة . اروح لغاية بيته . لغاية يتنا القديم . اشوفه . يعني هو حايعرفني
دلوتى بعد عشرين سنن ؟ قامت بعتننى ... جيت يتنا . لقيت كل شئ اتغير فيه .
هام — صحيح . كل شئ اتغير فيه . القلوب اللي كانت فيه صاحبه ومرعرعه . نشفت وماتت .
والنفس اللي كانت عزيزه انكسرت . والروح اللي كانت شامخة انزلت . والشعور
اللي كانت سودها يبضت . والجسم اللي كان سليم . انحنى وكأنه المرض . أظن مادعيقى
على . أظن ما كشفتى راسك وقلتى يارب .
حفيظه — ادعى عليك ؟ ابدا . ان شالله ما اعيش
هام — أظن قلتى . منك الله .

« اميته تسكت »

هام — انتى سيبتى ربنا على يا أمينة . هو انا حمله ياختى . اجري ما شفتش يوم راحه . اجرى
ما عرفتش للعز ولا للمال طعم . فُتُتلى ذنبك في بيتك . وكان مرر على كل شئ فيه .
حفيظه — أبداً . أنا قلت الله يسامحه . احنا يانسوان ياما بننسى من أسيه رجالتنا فيما .
هام — نسيتى أسيتى .
حفيظه — نسيتها .
هام — وخراب بيتك وظلمك ؟
حفيظه — نسيتهم .
هام — دانا ماظلمتكيش وبس . دانا فتحت صدرك بضواوري . وتنشت قلبك منه .

ورميته الأرض . ورفصته برجلي . وفضلت ارفض فيه . ارفض فيه . لما وصلته للسلم
ودقلجته . وكان ساب لى على كل سلمه بقعة دم . لساحتها باقيه لى للنهاerde .
اقلعى الفوطه دى .

حفيظه — هيه ؟

هام — اقلعها . ماانتيش قادره تقلعها ؟ أنا اقلعها لك
« يتقدم اليها ويسرع في ذلك »

حفيظه — انت عيان . انت عيان . ايدك .
هام — قلبك على . قلبه على يارب .

(وهو يخلع الفوطه . والطروحه . في غاية الاضطراب)

دانا عمليت زي الطير اللي زهد من عشه . قال افتش لي على عش تاني . وسابه
ومصار . قاموا الصيادين قابلوه . اللي جرحه اللي عوره . اللي قلع عينه . قام ندم
ورجم لعشه القديم تاني . لقي وليفته فيه وبتبكي عليه

(بعد أن يخلع الفوطه ويجلسها على أحسن كرسى وهي تبكي .)

هام — اقعدى ياختى . اقعدى هنا . حفيظه تجاس وتنظرى عينيها

ينذهب الى التلفون ويحركه ثم يقول :

نمرة ١٩١٩ . « بعد هنئيه : »

بيت الانصارى بك ؟

محمد بك أمين أخوي عندكم . أنا همام همام باشا . اللوا همام باشا .

محمد بك أخوي عندكم . انهولي من فضلك (سكوت)

محمد ! محمد ! إتوا انتهيتوا من كليب الكتاب ؟ . طيب . شوف . قل للمأذون
يقوم ويأك . ورروحوا اتوا الآتنين بيتك . في شبرا . خد الانصارى بك معاك .
في السر ما تخليش حد يعرف . ليه ؟ بعدين تعرف ليه أيوه « مؤكداً » أيوه . لا
أنا ما تجننتش . دانا بس النهار دا أما عقلت يا محمد .

(يقفل التلفون وينزل الستار على مهل)

الفصل الثاني

فاعة الاستقبال في بيت أمينة هام في الحلمية بعصر

أثاث فاخر على الطراز العربي البحث .

لها باب في الوسط يفتح على الجنة .

والى يمينه وشماله شباباً كان مفتواحاً ترائي منها اشجار الجنينة الضئيلة .

ووها باب آخر إلى اليدين .

يوم استقبال أمينة هام .

يرفع الستار عن سيدات . في أبهى الحال والخليل ولكن أمينة هام في ثياب دون ثيابهن .

خدمات يرجن ويجهن . فائمات على شؤون الزارات ويقدمن أطباق الحلوي وفناجين الشاي .

كتابان ملقيان على أحد المقاعد .

عصاري التهار .

المنظر الأول

« أمينة . ليلي . عزيزه هام . الانسه فاطمه . تقيسه هام . زينب هام . »

« الانسه فاطمه تقلب كتاباً من الكتابين »

امينة — اتقضلي يا عزيزه هام . انتي ما خدتيش حاجه . ازاي عروستنا . « تقدم لها الحلوي
انشاء الله تكون متهنية .

عزيزه — كتر خيرك . بخیر الحمد لله . والنبي هی لآخره سألتني عنك وقالت سلامی علیها

امينة — الله يسلامك ويسالمها . والله هي تستاهل كل خير . زي أبوها وأمها .

عزيزه — من اصليك ياهام . لكن شهادتك دی مشبووه . دی شهادة حبایم .

امينة — هو أنا وحدى اللي بتقول كده . معلوم حبایم . من عشرین سننه حبایم . فاگره

الفيوم وأيامها . قل جبل على جبل ما يتقابلوش . لكن ابن آدم مسیره يتقابل .

وازاي البيه . مش طيب بخیر ؟ .

عزيزه — الحمد لله . الباشا بتعاكوا فات عليه النهار دا . وراحوا سوا التشريفه . وبعدين
قاموا من هناك . راحوا بيت محمد بك امين . عازمهم علغدا . « ثم تقول لفاطمه »
ماتقريبي يافاطمة . انتي ماختديش حاجه يابنتي .

ليلي . « لفاطمه » دا ايه ياختي الكتاب دا اللى بتقلبي فيه من الصبح !

فاطمة — دى كتب شعر . واحد مؤلفه محمد بك خورشد . والثانى مؤلفه محمد بك خيري .
(أمينه تروح وتتحى . داعية الزائرات ومقدمة هن الحوى . يسمع من وقت لا آخر كلامات . ممنونة . تسلم
أيدك . بدون أى كلمة أفرنجية . مثل باردون . ميرسى . الخ . الخ .)

ليلي — عربي ؟

فاطمة — عربي ؟ وأنا بقرا شعر عربي . ومين الست اللى فينا بتقرأ عربي .

خصوصاً أمما يكون شعر . دول الشعرا بتوعننا . لاحنا قهم كلامهم . ولاهمن
يفهموا قلوبنا . قاعدin بس يتغلوا لي في العيون والمحاجب . والخصر . لكن
العواطف والقلوب . أنا عمري ماشت شاعر عربي بيوصفها لنا . حتى ان وصفها
عايز له منجم . على شان يفهم كلامه .

ليلي — « تضحك » آه . آه . آه . والله صدقى ياختي .

تقىسه — (لامينه ساخرة) فسطانك دا حلو ياهامن . اشتريته من اين ؟

امينه — من السكة الجديدة

تقىسه — (ساخرة) السكة الجديدة ؟ . اه . اه . والسكة الجديدة دى تبقى فين ؟ آه . آه .

عزيزه — (مؤنبة) وما لها السكة الجديدة مش احسن من النار الكاويه اللى في الحالات الثانية .

« تسقط ملعقة من يد تقىسه هامن . فتسرع أمينة وتلتقطها »

تقىسه — « معرضة » اسم الله على ايدك . العفو . ماتخلنى الخدامه تلمها .

عزيزه — (مؤنبة) كل ست خدامه في بيتها . وماله .

« امينه تضرطرب كثيراً وتتظر اليها في ذلة »

عزيزه — (همساً الى امينه) ماتزعليش والنبي ياختي . دي أمرها معالوم . دي لسانها طوييل .

أطول منها.

زينب — حقه البيت دا. احسن من البيت دكها ياهانم. بس الجنية دى بابنها اصغر من
جنية البيت الاولاني.

تفيسه الليلى — والله انتي لاخرى ياليلى هام. عملتى طيب اللئى فقى البيت دكها. وفتى اللي فيه.
ودكها من يقدر يسكن ويابها. أعود بالله !
ليلى — (قطع كلامها) خالي الباشا. عاوز كده .

فاطمه — « ساخرة تهمس في اذن ليلى » اسم الله ! . ولا فرمتيش خالك الباشا عاوز كده ليه ?
عيطه قوى بسلامتك ؟ ماتسائلى عثمان بك وهو يقولك خالك الباشا عاوز كده ليه .
آه . آه . آه .

ليلى — ياخيه اوعى كده انتي كان. شوفوا ظنها وداتها لحد فين .
فاطمه — بتستعيطيني ياليلى . اه . اه .

عزيزه لفاطمه — يالله يا فاطمه. يالله نروح بي . أحسن اتسينا . يابنتي
امينه — مالسه بدري ياعزيزه هام . اقعدوا شويه كان

عزيزه — لا ياختي زمان اليه بتاعنا رجع من عند محمد بك . والباشا كان هلبته ماقرب ييجي .
عزيزه . وفاطمه — سعيده . سعيده . اتقضوا شرفونا . ماتغيبوش علينا .

امينه وليلي — تشرف . اجعلوها بعوده ياعيني . « عزيزه وفاطمه تتصرفان »

تفيسه — دى مين ياختي اللئى شايفه تقسىها قوى . مش عزيزه هام . زوجة الانصارى
بك القائمقام .

امينه — أيوه ياهانم . هي بعينها . دى عايله طيبة تمام .

تفيسه — طيبة ؟ طيبة ايه ؟ مش جوزها انصارى بك . اللئى كانوا اتهموه عام الاول فى تهمة
جمعية سرية . ولا هي ايه . وبرأ المجلس العسكري .

امينه — مدام اتبرأ . خلاص . يبق ذنبه ايه ؟

قيسه — صحيح ! لكن اتبرأ ليه ؟ مش سرقوا الورق من الدوسيه بتاعه . الورق اللي كان حا يكون سبب في الحكم عليه . والجليس لما شاف ان مافيش اثبات عليه . قام برأه ورفتوا الكتب اللي كان الورق تحت يده . وقطعوا عيشه . طيبين ايه . بلا طيبين . بلا وحشين . مافيش حرجه بتستخبا .

ليلي — « في حزن » صحيح مافيش حاجه بتستخبا .
زينب — يالله ياقيسه هانم . انتي حاتضلي قاعده لامتن . يالله بنا قومي . « ثم قول لاميته »
سعيدة ياهانم . سعيده ياليلي .

قيسه — يالله ياختي خديني وياكي . سعيده ياست امينه . سعيده
امينه وليلي — (في فتور) سعيده ياست . سعيده . شرفتي . « تصرف نيسه وزينب »

المُنْظَرُ الثَّانِي

ليلي . امينه .
امينه « حانقة » سمعتني كلام نيسه ياليلي ؟ سمعتني تاسينها ؟ خدامه ؟انا خدامه ؟ لا و بتتحققري
كفي باسترخص وباشترى حاجتى من السكة الجديدة .

ليلي — والنبي ما تأخذى على خاطرك . ولا تزعلي . خلاص لا عدنا نزوح لها . ولا هي تجيينا .
بقي يعني هي الالحسن ؟ ليه هي بنت مين ؟ مش بنت النقلى اللي في سيدنا الحسين ؟
نسية سكة بيت ابوها ؟

امينه — ومنين ياختي خدت خبر في سرقة أوراق انصارى بك من الجليس العسكري .
ليلي — ماهو جوزها ضابط . صاغ باليه . والا بباشى . ضروري يكون قال قدامها .
امينه — خدى عندك بقى . حاتشيل الحكایة دي . وتدور بها علجمباب .

ليلي — واحدنا مالنا . ومنين عارف ان اخواه لهم يد في المآل دى
امينه — مين عارف ازاي . ماكل الناس عارفه ان انصارى بك حبيب خالك الباشا .
الروح بالروح . ومتربين سوى . وطبعاً .

« تدخل سيده الحادمه »

المنظار الثالث

امينه . ليلي . سيده

ليلي لامينه - هس . هس .

سيده — عثمان بك بره ياسبي

امينه مضطربة — الله ! بره . خلية يتفضل . قولى له يتفضل .

ليلي — بره ! ازاي ؟ هو غريب . قولى له اتقضل . حالا

امينه — أنا حاخرج من الباب دا . أحسن ييختشى منى . ويمكن ياخد على خاطره .

ليلي — زى ما يعجبك يامراة خالى . امرك .

المنظار الرابع

(يدخل عثمان باد عليه اثر الانكسار . ولكننه متألق في ثيابه غاية التألق)

ليلي . عثمان

ليلي فرحة — اهلاً عثمان بك . ازيك ؟ اقعد . من زمان وانت مستنى ؟ هو انت غريب ؟

تستنى أمما يأذنوا لك . هات العصايه دي . هات . (تنظر اليها) الله ! دي حلوه

قوى . ياسلام !

عثمان — غريب ؟ . لأ . لكن اهى جت الايم الله كنست بقولك أنا خايف منها . ولكننى
تقولى لي لأ ما تخافش .

ليلي — صحيح ! لكن انما كنستش حاسبه انا حاججي بدري قد كدا .

عثمان — فاكره ! لما كنست أقول لك أنا خايف من ابوي . أنا خايف من أمي : حاججي يوم .

والحبل دا الله ييشدوا فيه كل واحد من . ناحيه ينقطع . وتدور الدوره على

ويمكن تدور عليكي انتي كان .

ليلي — فاكره يا عثمان . فاكره . لكن احنا طالع في ايدنا ايه ان كان انا والا انت . كنا

حاققدر نعمل ايه اكتر من اللي عملناه . ياما هديننا في أخلاقهم . ياما حايلنام .
ياما صاحنام . لكن كل دا ماتفعش . والمحظور اللي كننا خاييفين منه وقع خلاص .
عثمان — دانا كنت مطمئن . وكنت أقول اهي ليلي معاي تساعدني علغلب اللي انا فيه
أحط هي على همها . لكن ليلي مفضلتش لآخر .

ليلي — «مازحة ومقيدة نفسها» ليه ؟ هو انا رحت فين ؟ ماديني اهو !
عثمان — (متا فكره) أهي طهقها . وأبوي قالهَا روحي البيت الثاني .

ليلي مازحة — ياخو اوعي كده . وبالله . ان كنت انا في البيت دا والا عندكوا ما هو واحد .
برضه فاضله على قلبك (تفرك يديها) على قلبك . هو انا حانسي البيت دكها ابدا .
نجري ونلعب . فضلت الزلازل هز فيه . هز فيه .

عثمان — لما وقعته . لكن وقعته على مين . عليهم ؟ لا . أبوي بناله بيت تاني وسكن فيه .
وامي تحور وتدور وترجع تقشر علها فيَّ . وتقولي انت ! انت زيهم ! البيت وقع
علىَّ انا وحدي بس !

ليلي — ايه ؟ صحيح ؟ عليك انت وحدك بس
عثمان — وعليكي انتي كان ياليلى . لكن انتي حاييجي يوم تلاقي فيه نصيبك . وتبعدى عن
البيت دا . وتسيليه يعني اللي بناء . وافضل انا وحدى .

ليلي — (حاققة) اهو حاييعمل لي شعر ! طيب اسكت اسكت . بلا نصيبي . بلا قسمتي
عثمان — اسكت ؟ اسكت ليه ؟ مش صحيح ؟

ليلي — لا مش صحيح . ولا حاييجي نصيبي ولا حاجه (تفرك يديها) على قلبك .
مش عاجبك ؟

عثمان — عاجبني (يوضح فرحاً) اه . اه . حاقولوك ايه
ليلي — ايوه اخحك كده . وشيل العقده دى اللي على جيدينك . ياباى يامنتا وحش بالعقدة
دى . ماتسيبهم ياكلوا في بعض . ولا تزعلي ولا تنغير . اعمل زيهم . همن سألا

فينا؟ لاً . همن قالوا ما يصحش ! لنا اولاد ويكن ينقرروا؟ لا . همن دوّروا على راحتهم ولا سألوش عنا ! خلاص . انت ماتلاهيش نفسك في الامور دي . خليك في مدرستك . وفي المذاكره بتاعتاك كلهم يومين ويفوتوا . ويبيجي يوم والحزن دا يخليك راحل . وتبقى الدنيا سهلة قدامك . ما فيش حاجه تربى الا انسان رزى الحزن يا عمان .

عُمان — (في غاية الدهشة) وانت ايش عرفك في دا كله يابنت اميارح ؟
ليلي — ايش عرفني ؟ ما انا يتيمه ياعمان ؟ واليتيم بينزل وينتهر بدري . وهو اللي بيتربي ويتعلم قبل الناس كلهم .

عُمان — بقى انتي يتيمه ؟ اخس عليكي ياليه . وهو ده كلام تقوليه انتي ياليلى .
ليلي — نهايته . خلينا فيك انت . خلاص ؟

عُمان — «مؤكداً» خلاص !
ليلي — ولا بقتش تزعل ابداً ؟

عُمان — «مؤكداً» حاضر . ما بقتش ازععل ابداً . ينفلقووا

ليلي — ولا تنتحر .

عُمان — ولا انتحر .

ليلي — طيب تعالى بق اما احليلك بقلك (تأخذن من يده وينهبان لاطاولة التي فوقها الحلوى)

ليلي — (فرحة طروب وفي غاية اللباقه والسرعة) كل ياخوى . الحته دي . دي بالكريه .

«تضعها في فه ». ودي بالكريز اللي بتتجبه . «تضعها في يده» والنبي ما ترعل ابداً

ودى كان (تضعها في يده الاخرى) وشو يه الملبس دول حطهم في جييك (تفرغ الصحن

كان في جيه). ودول كان « تفرغ الصحن كان في جيه الآخر » (تهي له قطعة اخرى)

افتتح بقلك . ايوه زي زمان لما كنا صغيرين . ولنلعب العروسه والعريس . قال العروسه

وحشه . ومش عاجبه العريس . وهي قال قاعده تحايله . وتحيط له البقالوه في بقه .

عثمان — (مشغول بالطعام) بس . بس بزياده قوي . زورت والنبي زورت .

«هام ياشا في الحزينة ينظر اليهما بدون ان يشعر به»

لیا۔ اجیں لک کیاہ میہ؟ حاضر۔ وادی الیہ۔ تشرب فنجان شای؟ (تندادی) سیدہ!

صوفی ! . ماریکا ! .

عثمان — ماهو الشای اهو . ماتندھیش حد . والنه خلینه وحدنا .

لیلی — لا. چیبا شای سخن. احسن دا برد.

صوت همام ماشا من الحسينة . ليل وغمان يذعران وكل منهما يتوجه لناحية مسرعين)

همام — انت ياولد ياجنابي . أنا مش قايلاك . اقفل الميه دى . الشجر منور . عجائب !

انتوا مابتسه معوش الكلام ليه؟ اقفل الميه حالا.

المنظور الخامس

(يدخل همام باشا في ثياب التشرية الكبيرة . تظهر عند ما يخلع المعطف عنه)

هم باشا . لیلی . عثمان .

همام — اهلاً عثمان . از يك بابا . يعني من زمان ما بنتش ؟ ليه . مابتجيش ليه . اديتي له

الفلاوس، يالليل . (عثمان يقبل يده)

— الله ! أنا نسيت . شوف عقل . والنبي نسيت ياخالى .

همام — (حاقاً) واهه اللي نساكي ياخالي! ايه اللي خد عقلك ياخالي. عحالاً. عحالاً «يأخذ عهان لناحية»

امك قالت لك حاجه تقو لها لي ؟

عثمان — امّي كانت غايه في الاسكندرية . عند ابن عمها الجنالي : مارجعتش الا امبارة

بس: قالت أنا كتبت لا يوك ماردش علىّ . ماهواش مستعفي . مابيردش ليه ؟

هام — هي في البيت النهار ده؟

عثمان س لـ! اخرجت من الصبح . ما لغرتش راحت فين . لكن كانت زعلانه قوي .

المنظار السادس

(تدخل امينه)

هام . ليلي . امينه . عمان

امينه — سعيده يا باشا . اهلاً بعثمان . ازيك يابني ؟ طيب ؟ يعني من زمان ماحدش شافك ؟
عثمان — الحمد لله ياخالي . بس أنا كنت مشغول بالمدرسة . وفي تحضير الامتحانات .
امينه همام — كان فيه ناس كتير في التسريفه يا باشا .

هام — حقه كتير قوى . ولا سنه كانت زى السنه دي . خرجت من هناك وفت على
محمد اخوى زى ماقلت لك . اتفيدت عنده أنا والانصاري بك . وارتخت شويه
وجيت . لكن المذياحر . أنا حاطلע اغير المدوم دول وانزل . احسن أنا حران قوى
ليلي — الكهر با مقطوعه ياخالى . والراجل بيصلح فيها . ماتخرج الجنينه شويه ما دامت
حران . لغاية اما يخلص .

هام — برضه فكره . يالله يا بنتي . يالله يا عثمان . تجبي معانا يا هام .

امينه — لا يا باشا . أنا حافظل هنا . على بال مالخدماتين يروّقوا الصاله دي

« يخرج همام . وعثمان . وليلى من باب الوسط لاجزينة »

المنظار السابع

امينه . والخدمات

امينه تنادي — سيده ! صوفى ! ماريكا !

تدخل الخدمات

امينه — روقوا الصاله دي شويه « تشير الى بعض الانية »

(الاخادمة الاولى) شيلى دول . خليهم يغسلوهم حالاً

(« الاخري) خدى دي انتي لاخري . استعجل .

(« الاولى) املى دا ورجعيه

تدخل سيده الخادمة وهي تقول

سيده — اتقضلى ياست . نعم . موجوده . اتقضلى

المنظـر الشامـن

تتدخل نورسكا وترفع النقاب الافرنجى عن وجهها . — . الحادمات يتذكّن كل شيء ويذهبن .
امنه . نورسكا

امینه میز عجمہ - ۵۹

نورسکا — «فی وقار» سعیدہ یاہانم!

امينة تتحنى امامها . ولا تحبب لدهشتها . ثم تقف الاشتنان امام بعضهما هنيهة .

امینه — اتفاضلی یاست. اتفاضلی.

نورسکا — زیاره غریبه یاهانم انا فاهمه. بس انا جیت اقبال البلاشا. من اربع تشهر ماشقوش
والحاله دی مایکنیش تدوم. والصبر له حدود. انا مش جایه اعاتبک انتی. حضر تک
مالکیش ذنب. انتی مظلومه زیبی.

امينه — مين قالك پاست اني انا مظلومه . هوَ انا اشتكيت لك ؟

نورسکا — مادمت انا موجوده . وانتي موجوده . احنا الاتنين مظلومين . احنا سبات
وبنفهم بعض . إن اشتكيتي والا سكتي . مظلومه برضه . ومتعدبه زيني

امينه — متعدده؟

نورسكا — نعم متعذبه . متعدبة زي اللي له عدو جوا بيته . أنا عدوتك وانتي عدوتي . داشيء
أنا فاهاه . وانتي كاف . فاهاه . انتي بتكرهيني . وانا بـ= رهك . مع اننا لازم
نكوت حبائب .

امینه — حبایپ؟ حبایپ ازای؟ .

نورسكا — معلوم حبایب . انا وانتی مظلومین . والمظلوم لازم يحب المظلوم اللئي زيه . مش يکرھه . انتی توهیتی انى اخذت جوزك منك من عشرين سنه . وقعدتني عشرين سنه تکرهینی . حاتھینی دلوقتی ؟ لا . داشىء مش فى قدرتك . وانا متوجهه انك انتی خدتي جوزي مني . مع انت الحقيقه . انى انا ماخذتش جوزك

هوَ اللي خدَنِي . والحقيقة إنك انتي ماخديتنيش جوزي . هوَ اللي خدَكِ . وانا جايه
النهار دا أنصيف تقسي وانصفك .

امینه — (مذکوره جدا) تتصفیینی؟ تتصفیینی یعنی ایه؟ تتصفیین ازای؟

نورسكا — لا. لا. ماتخافيش . أنا مش من. الستات الأفريجيات اللي في بالك منهم .
دكمها . اللي يبغوا روبلقري عبهم ويضرروا به . لا ياهامن . أنا مش من دول
بس أنا ماقدرش اسكت على الرجال اللي في ايده كرياج ويضربني به . واقول له
اضرب كان . ولا اقدرش ابوس اليد اللي بتضربني . ولا اقدرش اقول سلم فلك
لي بيعض قلي بسناته .

امینه — ولا انا کان یاست

نورسکا — شفیق یا هام ازنا اتفاقنا . ولایکنست بتویلک من ساعه احنا جایب و مظلومین .
ما صدقتنیش . و هزیتی اکتافک .

امينه — لا . بس احنا بنقول كل شئ قسم . وبنصبر . حانعمل ايه ؟ قسمتنا كده نورسكا — اهي دى الكامه اللي طمعت الرجاله فينا . قسمتنا ! ولما تقول قدامهم دى قسمتنا يقوموا يظنووا إن ظالمهم فينا عدل مادام الظلم دا مكتوب علينا . لا يا هام مش قسمتنا . الظلم ما هو اش مكتوب على حد ابداً . الظلم لما بيظلم . ما يطيعش امر حد في ظلمه . ماحدش قال له اظلم . لارينا ولا الناس . لما هام ظامن كاف حر . ولما ظامن كاف حر . والراجل الحر مسؤول عن عمله . الراجل من دول لما يدوس كلب في الشارع . بيقوموا عليه اصحابه ويدفعوه تنه . ولاحدش بيقول الكلب دا قسمته يومت منداس . ولما الراجل دا اللي داس الكلب ودفع ديته . يدوس مراته اللي ادته شبابها وجسمها . لما يرميها الارض ويَتَكَبُّ برجليه على صدرها لغاية اما يتغفها قلبيها من بقها . حضرتك عاوزه ان الاست دى لما ترجع تقف على حيلها . بص له وتنوله . قسمتي ! دوس كان ؟ أبداً يا هام . احنا ما تقبلش كدا ابداً .

امينه — ولا احنا ياست تقبل كدا

نورسكا — وعملتوا ايه على شارف تردوا الظلم دا عنكم؟

امينه — ماقللت لك بنصبر . وتنعشم .

نورسكا — لساً كي متعشمه فيه؟ لساً؟ دا ماظلمك أول مره وظن انه حايتراح معاه . لكنه

شاف ان بيني وبينه هوه ما قدرش يحطها . كنني انتي بيني وبينه مدة عشرين

سنـه . انتـي كـنـتـي فـقـلـبـه وـكـنـتـي بـتـمـثـلـي لـهـ الرـاحـهـ اللـيـ عـلـىـ قـدـ عـقـلـهـ . جـهـ يـوـمـ وـقـلـ

انـصـفـ اـمـينـهـ . مشـ مـحبـهـ فـ اـمـينـهـ . لاـ ! دـاـ بـسـ عـلـىـ شـانـ الاـنـصـافـ دـاـ كانـ فـيـ ظـلـ

عـلـيـ اـنـاـ . وـماـ اـنـتـيـشـ خـاـيـفـهـ اـنـهـ يـيـجـيـ يـوـمـ وـيـقـولـكـ . نـورـسـكاـ ! انـصـفـ نـورـسـكاـ . دـوـلـ

عـشـرـينـ سـنـهـ . دـوـلـ عـمـرـ . يـقـوـلـهـاـشـ ولاـشـ

امينه — لاـ ماـ يـقـوـلـهـاـشـ اـبـداـ .

نورسـكاـ — ماـ يـقـوـلـهـاـشـ ؟ صـحـيحـ ؟

امينه — نـعـمـ . مـاـ يـقـوـلـهـاـشـ . كـنـنـهـ جـرـبـ دـلـوقـتـيـ وـفـهـمـ . انـ الرـاحـهـ الحـقـيقـيـةـ مـاـ هـيـاشـ رـاحـهـ الجـسـمـ

دـىـ رـاحـهـ القـلـبـ . وـانتـيـ لـمـ اـدـتـيـهـ . اـدـتـيـهـ جـسـمـكـ وـشـبـابـكـ بـسـ . لـكـنـ قـلـبـكـ

فضلـ وـيـاـكـ .

نورـسـكاـ — وـمـينـ قـالـكـ يـاـهـاـنـ اـنـاـمـاـ اـدـتـلوـشـ قـلـبـيـ ؟

امينه — بـقـيـ يـكـنـ قـلـبـكـ غـرـيبـ لـاـخـرـ . وـبـيـتـكـلـمـ لـغـهـ غـيرـ لـغـتـنـاـ . قـامـ الـبـاشـاـ مـاـ فـهـمـوـشـ .

حاـكمـ اـحـناـ رـجـالـتـنـاـ لـمـ بـيـخـشـوـاـ بـيـوـتـهـمـ يـقـومـواـ يـرـجـعـوـاـ لـعـوـاـيـدـهـمـ الـقـدـيـعـهـ وـلـلـغـهـمـ اللـيـ

بيـعـرـفـوـهـاـ مـنـ . الـقـلـينـ سـنـهـ . وـالـغـرـيبـ اللـيـ مـاـ يـعـرـفـشـ لـغـهـمـ لـازـمـ يـتـعـلـمـهـاـ . وـاـنـ

مـاـ تـعـلـمـهـاـشـ يـخـرـجـ مـنـ بـلـدـنـاـ . وـيـرـوحـ يـفـتـشـ لـهـ عـلـىـ بـلـدـ تـازـيهـ يـفـهـمـوـهـ فـيـهـاـ .

نورـسـكاـ — دـاـنـاـ مـنـ عـشـرـينـ سـنـهـ . مـاـ تـعـلـمـتـشـ فـيـ بـيـتـهـ الاـ الـبـكـاـ

امينه — كـنـكـ مـنـ عـشـرـينـ سـنـهـ . وـانتـيـ مـتـنـمـرـهـ . وـلاـ رـضـتـيـشـ تـحـطـيـهـاـ وـاطـيـ اـبـداـ .

نورـسـكاـ — يـعـنـىـ اـنـذـلـ ؟

امينه — لاً. احنا ياست لما تقول لرجالتنا ياسيدى . ما بنزلش ابداً . انا فاقت عليَّ ايام ياست
كنت حَرَّه فيها . حَرَّه يعني ما كانش حد حاكمى . لا زوج . ولا أب . ولا أخ .
الله لايرجعها أيام . علمتني الايام دى ان الواحده منا . لما مَا يكونش لها راجل تعطيه
وهوَ يشيل هما . يقوم يجيها يوم . تضطر فيه . انها . تعطى . الرجاله . كلهم .

« تقول هذه العبارة الاخيره كامه كامه »

نورسكا — عبس . عبس . انتوا حاتقضوا كده طول عمركم . انتوا !

امينه — « في غضب شديد كأنها تطردنا » احنا ؟ احنا مالنا احنا . (يسمع صوت الباشا) اهو
الباشا جه . كلبيه انتي ياست .

المنظر التاسع

هام . ليل . عثمان . امينه . نورسكا

(صوت البasha من الخارج آتياً مع ليل وعثمان . — . ليل في يدها وردة)

هام ضاحكا — اه . اه . اه . ماقلت لك الدنيا ليل . خلى الجنainي يقطع لك الورده دى . اديكي
شوكتى صوابعك . تستاهلى .

ليلي ضاحكه — ماعليهش ياخالى . مافيش ورد من غير شوك .

هام ضاحكا — اه . صحيح مافيش ورد من غير شوك . صحيح يا بنتى .

المنظر العاشر

« يدخلون دخول اعتيادى وهم لا يعلمون ما جرى في غيتمهم »

(هام عند رؤيته نورسكا . يقف في مكانه حارزاً) — (ثم يصرف الجميع)

هام لامينه — من فضلك ياهانم . خدى الاولاد وسيبواني وحدى معاها ..

(امينه وليل وعثمان يخرجون للجننه)

المنظـر الحـادي عـشر

هام . نورسـكا

هام — نعم ! أنا فاهم انتي جايـه ليـه يا نورسـكا النـهارـدا . أنا كـنت منـتظر الزـيارـه دـى . وـمستـعد لـها من زـمان . أنا عـارـف إنـ اللي زـيـك اـنتـي مشـ حـايـسـكت عـلـى عملـتهـ أنا . وـانتـي فـاـهمـهـ انـ اللي زـيـيـ أنا مشـ حـايـرـجـعـ عنـ عملـ . عملـهـ بـحقـ .

نورـسـكا — بـقـيـ اـنتـ لـكـ حقـ فيـ الليـ عملـتهـ ؟

هام — نـعـمـ أـنـالـيـ حقـ فيـ كلـ الليـ عملـتهـ . اـنتـ كـنـتـ خـاقـانـيـ . وـفـضـلـتـيـ تـخـنقـيـ فيـ عـشـرينـ سـنـهـ . لـغاـيـهـ اـمـاضـاقـ صـدـريـ . ضـاقـ خـالـصـ . وـشـفـتـ اـنـيـ بـناـزـعـ وـقـرـبـتـ اـمـوـتـ ، قـامـتـ فـاتـتـ مـنـ . قـدـامـيـ وـاحـدـهـ كـنـتـ ظـلـمـهـاـ اـنـاـمـ عـشـرينـ سـنـهـ . مـنـ يـوـمـ ماـحـاطـيـ اـيـدـكـ اـنـتـيـ فيـ زـورـيـ

نورـسـكا — وـسـاعـتـهـ قـلـتـ اـنـاـلـازـمـ اـنـصـفـهـ . ضـمـيرـكـ مـارـيـحـكـشـ ؟

هام — نـعـمـ ضـمـيرـيـ مـارـيـحـنـيشـ .

نورـسـكا — وـضـمـيرـكـ دـاـ . كـانـ فـيـنـ مـنـ عـشـرينـ سـنـهـ لـغاـيـهـ النـهـارـداـ ؟ـ كـانـ نـاـيمـ ؟ـ وـالـاـ كـانـ مـيـتـ ؟ـ

هام — كـانـ صـاحـيـ . وـبـيـوـبـخـنـيـ كـلـ يـوـمـ .

نورـسـكا — الـنـهاـيـهـ . نـصـفـهـ . لـكـنـ ظـلـمـتـنـيـ اـنـاـ .

هام — اـنـاـ مـاظـلـمـتـكـيـشـ . اـنـتـيـ الليـ ظـلـمـيـ قـسـكـ . لوـ كـنـتـيـ رـيـحـتـيـنـيـ يـوـمـ وـاحـدـ فيـ عـشـرينـ سـنـهـ اللـيـ عـشـهـمـ وـيـاـكـيـ

نورـسـكا — ماـكـنـتـشـ ظـلـمـتـنـيـ ؟ـ

هام — طـبـعـاًـ ماـكـنـتـشـ ظـلـمـتـكـ .

نورـسـكا — «ـفـيـ هـمـ»ـ وـكـنـتـ فـضـلـتـ ظـلـمـ دـكـهاـ . السـتـ اـمـينـهـ عـاـيـزـهـ اـقوـلـ . وـلـاـكـنـتـشـ اـتـبـهـتـ

لـصـوتـ ضـمـيرـكـ اللـيـ بـيـوـبـخـكـ منـ عـشـرينـ سـنـهـ .

هام — كـنـتـ لـقـيـتـ طـرـيقـهـ تـانـيهـ . اـنـصـفـهـ وـاـنـصـفـكـ .

نورسكا — ايه ؟ صحيح ؟ والطريقة دى كانت حا تكون ايه ياترى . اللي توفق بين الميه والنار . ما افتكرش فيها . ان كانت مكنته والا لا . ماتردىش ياهمام بزياداك بقى . الكلام اللي بتقولهدا . دا كلام واحد ما بيقدرش العواقب . خلى ضميرك على جنب . وخلى كان انصافك على جنب . وخلى اهمامك لي على جنب . ما تقدرش ثبتت النهارده قدامى . بعد اللي عملته . وجود ضمير لك . لأن الضمير ما بيتغيرش كل يوم في شكل . ولو وجود انصاف عندك . لأن الانصاف ما يكونش في راحة واحد وظلم الثاني . زى الحرامي اللي بيسرق علي شان يحسن على الناس . وكل شيء تقدر تهمنى فيه . ان طبعي الافرنجى . ما وافقش طبعك الشرق . لكن دا مش ذنبي انا . هو انت عاوز تحملنى ذنوب الافرنج كلام .

هام — وانتي ياما حملتني من ذنوب الشرقيين كلام . هو وانتي ما كنتيش عارفه انى انا شرقى ؟ اتجوزتني ليه ؟

نورسكا — مش انا اللي اتجوزتك يا هام . انت اللي اتجوزتني . انت الرجال . وانت اللي بتختار . في الزواج الرجال هو اللي بيختار فى الاول فى غاية الاسف . لكن فى الحب الست هي اللي بتختار فى الاول .

هام — انا اتجوزتك على شان تطعنى انتي مش انا اللي اطيعك . على شان تندمجى في انتي . مش انا اللي اندمج فيكى .

نورسكا — « موافقة » دا صحيح .

هام — على شان تعيشى انتي زى . مش انا اللي اعيش زيك

نورسكا — دا صحيح .

هام — وتأكل زى مباباكل . وتشربى زى ما بشرب . وتلبسى زى ما انا عاوز

نورسكا — دا صحيح .

هام — وقتكرى زى ما انا عاوز .

نورسكا — «غاضبة» دا. أبداً. مش ممكّن. مستحيل. تستعبد جسمى ماعلهش.
لكن تستعبد عقلى؟ أبداً.

هام — لكن احنا كده. احنا عايزين اللي ترضى بالاستعباد دا في جسمها وفي عقلها

نورسكا — لا. دي ما قلقة ياش أبداً. لاغندنا ولا عندكم.

هام — لكن أنا لقيتها.

نورسكا — لا مالقيتهاش. انت لقيت واحدة ساكته. لكن ما لقيتش واحدة راضيه.

السکوت شئ. والرضا شئ ياهام. انت لقيت واحدة ساكته ظنيت انك

استعبدت عقلها مع جسمها. لكن لا. الحقيقة ان عقلها بيتدمرد عليك كل ساعه

(ترفع صوتها)

ييجي يوم . ونسوانكم تطهر . وترفع صوتها . ويومها ما تقدروش تسكتوهم أبداً .

هام — «بغضب» انتي بتقولي الكلام دا على شان تعذرى نفسك . من عشرين سن وانتي

رافعه صوتك ولا حدب قادر عليكي .

نورسكا — أبداً.انا بقول الكلام دا كمني حرّه .

هام — (ساخرأ) حرّه؟ الحرّيه دى تعله تيهها فين؟ في كتب الفلسفه بتوعكم. في القصص

والروايات اللي بتقرروها. الحرّيه عندكم معناها التهتك .

نورسكا — والحرّيه عندك معناها التلذذ .

هام — «يتدفق كالسيل». انتي دخلتى بيتي . ومن يوم مادخلتى شحيطي بمناخيرك . وبصيتي

لنا من عالي قوى . ماحدش منا عجبك . ولا انتي عجبتي حد . ما فيش الا المسكين

محمد اخوي اللي استحملك . وياريتھ عاجبك لآخر . لكن نسواناً . لا انتي

استحملتیهم ولا هن استحملوكى . اى ! امى . ماتت ولا دخلتىش بيتي . اختي

سنيه ام ليلي ماتت رحتي عزيتى فيها برو عتب بس . اختي عيشه جت عندى

مرّه واحده ولساها بتمنى فيها لغاية النهار دا . ماختتنىش لا في عرضي ولا في مالى

صحيح. لكن عملتى اكتر من كده. احتقرتني وعملتى نفسك إله وحبيتى تخلقيني
خلقه جديده . خالقيني في عوایدی . وفي اخلاقی . وحبیتی تقنعني بالعافیه انك
انتي احسن مني . غيرتني كل شيء في البيت دا . حتى العفش ياشيخه ماس امش
منك . فضليتى معاي عشرين سنه والكببر نافقك . ما شاركتناش لاقرحة ولا فخرن
ولا فراحة . ولا فتعب . دخلتني بيتي غريبه . وفضلتى فيه غريبه . لغاية النهار دا .
كان كل همك . انك تغيرتى اخلاقنا وعوایدنا . اللي اترينا عليها . احنا وجدرنا
من ميات من السنين لغاية النهار دا

نورسكا — «في غضب واحتقار» ما كِنْ جدودوك دول بقوا رم وتراب في الأرض . وانت لغاية
النهار دا بتقول اعمل زيهـم . ماحدش عاجبك غيرهم . بص قدـامك . ومالـك
ومال الرم اللي وراك .

هام — جدودى دول اللي بتقولى عليهم رم . ياما ضربوا جدودك عـلـق . وفضلوا يحرروا
وراهـم بالسيف لغاية اما خلـوـهم يـعـدـوا الـبـحـرـ المـالـعـ عـومـ .

نورسـكا — وجـدـودـيـ دولـ الليـ عـدـواـ الـبـحـرـ عـومـ . اوـلـادـهـ مـارـجـعـوشـ تـانـيـ . اـهـ . اـهـ . قـعـدـتـ
عشـرـينـ سـنـهـ اـعـلـمـكـ الطـرـيقـهـ الليـ بهـاـ تـرـدـهـ تـانـيـ . ماـقـدـرـتـشـ .

هام — عـلـمـتـيـ ؟ اـنـاـ مـشـ عـاـيـزـ عـاـمـكـ دـاـ . الليـ بالـتـحـقـيرـ وـالـعـافـيـهـ . اـحـناـ مـاـحـنـاشـ هـمـيجـ عـلـىـ
شـانـ تـحـقـرـونـاـ . وـلـاـ اـحـنـاشـ عـبـيدـ عـلـشـانـ تـسـوـقـونـاـ بـالـعـصـاـيـهـ . خـلـىـ عـلـمـكـ لـكـ .

نورسـكا — اـنـاـ مـتـعـلـمـهـ . لـكـ اـنـتـ مـاـتـشـ عـاـيـزـ سـتـ تـشارـكـ . اـنـتـ عـاـيـزـ وـاحـدـهـ تـخـدـمـكـ
بسـ . تـديـكـ جـسـمـهاـ . وـتـضـحـكـ عـلـيـكـ بـالـبـاقـيـ .

هام — اـحـناـ عـاـيـزـينـ وـاحـدـهـ تـطـيـعـنـاـ . وـاحـناـ نـشـيلـ هـمـهاـ . مـاـحـنـاشـ عـاـيـزـينـ وـاحـدـهـ نـخـسـنـ
اليـهاـ . وهـيـ تـكـرـهـناـ .

نورسـكا — اـنـتـ مـحـسـنـ .

هام — نـعـمـ مـحـسـنـ . بـيـقـيـ لـسـاهـ بـيـتـكـ لـغاـيـةـ النـهـارـ دـاـ . اـنـاـ اـنـصـفـتـ اـمـينـهـ . لـكـ عـدـلـتـ مـعـاـكـ

نورسكا — ايه ؟ بتقول ايه ؟ نصفت ؟ عدلت . انت منصف وعادل ياهمام (تروح وتجيء كالجنة) يارب ! همام باشا . اللوا همام باشا . قال منصف وعادل . قال زيك يا رب . همام باشا بيو كانى وبيكسينى . ومسكنى في بيت سرايه . لكنه داس على قلبي . زي ما بيذوس على حجر . ما فهمش انت قلبي فيه دم . لآخر . زي قلب امنيه . الخدامه .

هام — « في غضب عظيم ». اسكنى ؟ انتي ما كنتيش راجعه عن الفجور دا . نورسكا — مين الفاجر فينا ؟ لما آخذ راجل يشارك في . زي ما انت خدت واحده تشاركتني فيك . ابقى فاجره صحيح .

هام — « بصوت واطي اجش » اخرسي . اسكنى . هو انا زينيت . هو انتي ما كنتيش عارفة ان دا . نورسكا — « تقطع كلامه » انا عارفة . انا عارفة . ان ر بما خيركم خيركم بس يارجاله . وقال لكم اتجوزوا . اتجوزوا . اتجوزوا . لكن ر بما ما قالناش . وانتوا يانسوان اسكنتوا . اسكنتوا . اسكنتوا . ر بما سابنا عليكم .

هام — « في اقصى درجات الغضب » اسكنى . اخرسي .

نورسكا — لا ما اخرسش . قبل ما تسكت انت .

هام — « بصوت كالرعد » اخرجي برا ! امشي

« يشدهامن يدها ويدفعها خارجاً »

نورسكا — قبل ما تم ايديك على . روح شيل السيف اللي ملزقه على كتافك . ونبي النياشين اللي بتلعم على صدرك . وحش ! انت وحش لا بس قصب .

هام — (بصوت كالرعد) وانتي طالقه ؟

نورسكا — (تضحك كأنها مجنونة) اه . اه . اه .

ليلي . وعثمان . واميده . يدخلون مذعورين

ليلي — الله ! الله ! جرى ايه ؟ ايه دا

نورسكا — طبعاً ! الفلاح بيضرب مراته بالعصايا . والتمدن بيضربها بالطلاق على وشها .

همام — (يرغبي ويزبد) انتي طالقه كان مره

ليلي — « تتعلق به » خالي ! . خالي ! . دى ام عثمان ياخالى .

نورسكا — طالقه . اه . اه . انا ما اعتبرتكش جوزى ولا ساعه في العشرين سنه اللي فاتوا

همام — « بصوت خارج عن طاقة البشر » انتي طالقه كان وكأن

عثمان يقع على المقعد . واميته أيضاً

نورسكا — ابني ! . اخذ ابني .

كلجنبونه ترمي على ابنها

همام — ابنك ؟ هو فين ابنك دا ؟ دا ؟ دا ما هو اش ابنك يانورسكا . بصى له كده ؟

ما فهش حاجه منك . لا عنيه زى عنيكى . ولا شعره زى شعرك . ولا ملامحه

زي ملامحك ولا شكله زى شكلك . ولا عقله زى عقلك . بصى له كويس يانورسكا

احسن ما انتيش ما حاتشو فيه بعد النهار دا ابداً .

« نور سكا يسقط في يدها وتغلب على أمرها فتقول بصوت حزين »

نورسكا — ابني ! دمى ! قلبي !

همام — سكتي ! مُي دلوقتى ؟ مُي ؟ دانتي طالقه ياشيخه بعد القبور اللي اتفتحت من آدم

للنellar دا . دانتي طالقه بعد نجوم السما . وبعد رمل البحر . خرسى دلوقتى ؟

سكتي ؟ مُي .

ليلي — بس ياخالى ! بزياده ياخالى . حرام عليك . (تحاول دفعه)

همام — ابعدى يا بنت . سيليني اقول لها كلمه كان (بصوت كارعد) انتي طالقه ! انتي طالقه !

انتي طالقه .

« ثم يدخل البيت وصوته يدوى فيه » انتي طالقه . انتي طالقه . انتي طالقه .

« عثمان مصعوق . نورسكا حاضنة ابنها على المقعد . ليلي متعلقة في ثياب خالها . اميته في جود تام »

(وينزل الستار على مهل)

الفصل الثالث

فاعة المكتب في بيت أمينه في الحلمية . جنينه صغيره واسوار عالية تتراهى من النافذة .
طراز عربى بمحى
لها باب فى الوسط .
الى يمينه باب غرفة عثمان
واباب آخر الى اليسار
كراسي جلد . ومكاتب فاخرة .
قفص صغير قائم على ثلاثة ارجل فيه ادوات التطريز والحايا كه
واح معلقة مكتوب عليها آيات من الكتاب العظيم
« واخفض لهم جناح الذل من الرحمة »
يرفع الستار عن عثمان جالساً وراء مكتب . نائم وذراعاه مطويتان تحت رأسه
ليلي جالسه بالقرب منه . تعمل في حياكة كرافته . وتعد العقد التي تحيكها بصوت مرتفع

المنظر الأول

ليلي . عثمان

ليلي — « تعد عقد الحياكة » . واحد . اثنين . اربعه . عشرة . واحد . اثنين
« ثم تنادى بصوت هادئ »
عثمان ! عثمان !
« عثمان لا يجيب . فتتغدو الى حياكتها »
واحد . اثنين . اربعه . عشره
« ثم تنادى بصوت عال »
عثمان ! الله ! . ما تصحي بقى . شوفوا ياخوati دا اللي نائم بيدومه
(تقترب منه وتهزه في رفق . وتنشر الكرافته)

عُمَان ! قوم شوف الـكراـفـتـه بـتـاعـتـكـ . اـهـيـ قـرـبـتـ تـخـلـصـ . « تـعـسـكـ يـدـهـ وـتـهـزـهـاـ »
عُمَان !

الله ! أنت سخن :

عُمَان — « يـرـفـعـ رـأـسـهـ قـلـيلـاـ وـيـنـظـرـ إـلـيـهاـ »

لـيلـيـ — « فـيـ حـزـنـ وـاسـتـغـارـابـ » الله ! . أـنـتـ بـتـعـيـطـ ؟

بـتـعـيـطـ لـيـهـ ! . اـخـصـ عـلـيـكـ ! هـوـ أـنـتـ عـيـلـ ؟ « تـهـضـهـ » قـوـمـ . قـوـمـ مـنـ وـرـاـ

الـكـتـبـ دـاـ . وـالـنـبـيـ مـاـ تـعـيـطـ وـلـاـ تـنـقـهـرـ أـبـداـ

(عُمَانـ يـنـهـضـ مـعـهـاـ)

هـوـ أـنـتـ صـغـيرـ ؟ لـيـهـ العـمـاـيلـ دـىـ فـيـ تـقـسـكـ ؟ هـوـ جـرـىـ اـيـهـ فـيـ الدـنـيـاـ حـاتـعـيـ تـقـسـكـ

ادـيـلـ سـخـنـ اـهـوـ .

عُمَان — « غـضـبـهـ يـتـصـاعـدـ شـيـئـاـ فـشـيـئـاـ » حـاـيـجـريـ اـيـهـ يـالـلـيـلـ أـكـثـرـ مـنـ اللـىـ جـرـىـ ؟ لـمـاـ اـبـوـىـ رـجـعـ

لـخـالـيـ اـمـيـنـهـ . فـهـمـتـ اـنـاـ انـ اـيـامـ الـهـنـاـ رـاحـتـ . وـحـايـجـيـ غـيـرـهـاـ . وـكـانـ ظـلـىـ فـيـ مـحـلـهـ .

أـوـلـ شـيـءـ عـمـلـوـهـ قـالـوـ لـيلـ ماـ تـقـعـدـشـ هـنـاكـ عـنـدـ نـورـسـكـ . دـيـ بـتـقـسـدـ اـخـلـاقـهـ .

لـيلـ تـيـجـيـ هـنـاـ وـجـاـبـوـكـيـ هـنـاـ . قـلـتـ مـاـ عـلـمـهـ . فـضـلـتـ اـنـاـ وـاـمـيـ . رـاسـىـ فـيـ رـاسـهـاـ .

طـولـ النـهـارـ تـنـدـبـ حـظـهـاـ وـتـقـشـ غـآـهـاـ فـآـفـآـ . قـلـتـ مـاـ عـلـمـهـ . دـىـ اـمـكـ يـاـوـادـ .

مـسـكـيـنـهـ . وـبـعـدـينـ اـبـوـىـ فـاتـ اـمـيـ . وـبـايـ كـيـفـيـهـ . اـنـتـ كـنـتـيـ وـاقـفـهـ وـسـامـعـهـ .

قـلـتـ مـاـ عـلـمـهـ دـاـ اـبـوـكـ يـاـوـادـ وـدـىـ اـمـكـ حـاـتـعـمـلـ اـيـهـ ؟ اـفـضـلـ مـعـاـهـاـ . عـلـىـ كـلـ حـالـ .

لـكـنـ اـبـوـىـ حـكـمـ رـأـيـهـ اـنـ اـفـوـتـهـاـ اـنـاـ لـآـخـرـ . قـاتـ مـاـ عـلـمـهـ . اـبـقـ اـرـوحـهـ

اـشـوـفـهـاـ . كـلـ مـدـهـ وـمـدـهـ . لـكـنـ اـبـوـىـ حـكـمـ رـأـيـهـ كـلـ مـاـ اـرـوـحـهـاـ اـبـداـ .

قـلـتـ مـاـ عـلـمـهـ .

لـيلـ — « مـازـحـهـ » مـاـ اـنـتـ بـتـنـسـرـقـ مـنـ وـرـاهـ وـبـتـرـوحـهـ . اوـعـيـ كـدـاـ يـاخـيـ بـلاـشـ تـهـوـيلـ .

وـلـاـ بـيـسـأـلـونـيـ عـمـانـ رـاحـ فـيـنـ . بـقـوـلـهـمـ دـاـ رـاحـ المـدـرـسـهـ يـشـوـفـ اـنـ كـانـتـ تـتـيـجـةـ

الـامـتـحـانـ ظـهـرـتـ وـالـأـلـاـ .

عثمان — «في حزن» ماهو لولا كى انتي يالليلي . ما كانش الواحد يقدر يقعد في البيت دا .
ولادقيقه .

ليلي — «مازحه» نعم ؟ ليه ؟ ايه اللي خاسس عليك فيه ؟
اياك انت عاوز تلعب الاستغاييه زي زمان ؟ حاضر تلعب الاستغاييه . والا نخرج
نجرى ورابع فى الجنينه ؟ . حاضر نجرى . والانصور فتوغرافيات أنا وانت .
حاضر . نصور ؟ عاوز ايه . بس قول لي اللي عاوزه ايه ؟

عثمان — نلعب ؟ ونصور ؟ ونجرى فى الجنينه ؟ هما يخلونا ؟ دول يمكن ييجي يوم يقولوا
لك انتي لآخرى ما تقدىش هنا .

ليلي — «في عجرفة» يقدروا ! .

عثمان — هو انتي تقدري عليهم . دول بيتعامزوا علينا .
ليلي — «في غاية البساطه» ينفلقوا .

عثمان — لا والله يالليلي . اخلن ان أيام المنا اللوى راحت . ما هياش راجعه ابداً .

ليلي — ايه هو ؟ مين قالك ان أيام المنا راحت . دانت يادوب عمرك ١٨ سنه . ياما لسا
قدامك من أيام هنا . الا أيام المنا راحت . بقى ا肯ن ابوك فات امك خلاص .

تقوم انت تيأس اليأس دا كاه ؟ . امال انا اقول ايه ؟ . انا اللي اسمى بنت .

وتبيهت من عشر سنين . من الام ومن الاب . ما يأيشش يعني . واهور بنا دربني .

عثمان — وانا لآخر يتيم من الاب . لكن ابوى طيب . واتبيهت من الام . لكن امي
طيبة . والله يتيمك أحسن من يتيه يالليلي .

ليلي — بس . بس وحياة ابوك . قال يتهى احسن من يتمه قال . طيب ادينا احنا
الاتنين يتهم . ولا حدش يفهم اليتيم الا يتيم زيه .

عثمان — انتي لقيتى ناس حبوكي . وحنوا عليكى .

ليلي — (تنظر اليه نظرة حلوة) بقى انت مالاتتش لاقى حد يحبك ؟ «تنظر اليه ثانية» ابداً .

عُمان — انتي وحدك اللي بتقولي يا عُمان في البيت دا . لكن شوفى التانين بيعملوا ايه .
ان كانت خالتى اميته . حاسباني غريب . لأن وهمانى انى انا اللي معتبرها غريبه !
قالوا لها امبراح اتقضلى اتعدى . قالت لا . عُمان لما بي Shawfni ما بيا كاش . طلعوا
لي الأكل فوق . قصدتها تقوّم ابوى على . وان كان ابو يادا يكن يفوت يومين
والا تلاته ما يكاملنيش كله واحده .

ليلي — يعني ابوك قاصدتها معاك ياخى ؟ او عى كده .

عُمان — مين عارف ! الدّي في الودان سحر . والبيت دا كابس على قلبي .

ليلي — (مازحة) اطلع اتقسح . اهي الجنينه قدامك ؟

عُمان — (في حزن شديد) انهى جنينه دي اللي حا تقسح فيها «مشيراً اليها» دي المسخوطه
اللي قد الكف ؟ هي دي جنينه يالليلي ؟ داحنا في الحلميه . دي ارض الحلميه
اصلها كوم سبانخ اللي تزرعه فيها ينحرق ويموت . باللك ؟ نقلتى فيها شجرة ورد .
طرحت ورده واحده ونشفت وماتت . هي دي جنينه ! وبصى كده للي اسمينه
دي المرضانه . اللي ما هياش قادره تشبعط على السور . هي دي جنينه ؟ ولما
يبحى الليل وتطلّع انتي تنمى . يطبق على قلبي . واخرج برّا . اتقسح فيها
الجينينه دي . وبص فوق راسى . ما الاقيش نجوم . حتى نجوم السما ما بتثورش في
البيت دا .

ليلي — «مازحة ولكنها تكاد تبكي» . هي ! احنا رجعنا للشعر تاني ؟ اسمعنا انا بشوفهم
ياخوى النجوم دول . دانا مرافقك . ولما بطلع انت الجنينه . انا الاخرى بافتح
الشباك فوق . وبستنالك لغاية اما تدخل تاني وتطفى النور وتنام .

عُمان — تعرف الحلميه دي كان اسمها في التاريخ ؟ دي كان اسمها القطايع . قطيعه !!
ليلي — هي ! احنا خلصنا من الشعر مسكننا في التاريخ . ايک انت سقطت في الامتحان
وقادع تهدس في الكتب اللي سقطت فيها .

عثمان — ينعل ابوالكتب على ابوالامتحان على ابوالكتب . سيبيني ياليلى انا روجي طهقت
 ليلى — طهقت ليه ؟ هو انت عاوز كل الناس تحبك . والا ايه ؟
 عثمان — لا انا مش عاوز كل الناس تحبني . لكن انا عاوز ماحدش يكرهنى .
 ليلى — انشالله اللي يكرهك ينطس في عنيه ! بس .
 قوم ياخويا . قوم نام بدرى انت سخن شويه . روح ارتاح وفصّيك من داكله . قوم .
 عثمان — حاضر ادينى قائم .

ليلى — « تئى معه » قليلا ثم تستوقه » ماقلتليش . انت مارحتش سألت عن نتيجة الامتحان .
 عثمان — لسى مااظهرتش . وقلوا اهي حاظهر فى الجرايد
 ليلى — على مهلها اما ظهر . روح نام ياخوي روح .
(يتوجه الي غرفه . ليلى تستوقفه . ثم تقول ساخرة)
 اقلع هدوتك قبل ماتنام . حاكم انت فيك عاده وحشه . تروح نايم بهدوتك ؟
 ومرزوق بيكرف على بال مايصحّيك تاني . ويقا علك .
 عثمان — « يضحك متلماً » حاضر . . .

ليلى — « تقرب منه و تعالج الماكته » والله مازت قالع لوحدك . ولا انت عامل حاجه . اقلع
 الماكته دى من دلوقة .
(ترى عنقه مجروها)
 ليلى — « مذنورة ». الله ! ايه دا ؟ . الله ! انت مجروح والا ايه ؟ مين اللي جرحك ؟
 عثمان — « محاولا تقليل الاهمية » لا . مش حاجه .
 ليلى — مش حاجه ازاي ! . دا ايه ياعثمان دا . . .
 عثمان — مافيش حاجه يقول لك . انا اخناقفت مع تلميذ من التلامذه .
 ليلى — اخناقتم ليه ؟ جرى ايه ؟ مين هو التلميذ ده ؟
 عثمان — ابن كاظم بك البنباشي .
 ليلى — ابن قيسه هانم ؟ بنت النقلي ؟ .

عُمان — هو بعينه. أنا. كنت رابع النهارده على شان اعرف نتيجة الامتحان. قام قالبني في السكه وبص لي وقال لي. دى مش امك دى اللي في اسكندرية. أنا شفتها في الكازينو. مع واحد جرالجي.

ليلي — طبعاً! ما هو لقّات زى امه.

عُمان — بس! أنا ما استحملتش. قمت ضربته. وضربيه
ليلي — قطّعه وقطّع لسانه. استنّى ياخوىَ أما اربطها لك بمنديل. واروح احبيب لك
صيغة اليود.

(تجه نحو علبة الحياكه. وتأخذ قطعة من قاش وترتبط رقبته وهي تقول.)
يلاي! يماضل الجدع دا ثقيل. وابق اعزمه لي تاني مره انت كنان! هو وشوية الجدعان
اللى. بتتلهم عليهم دول. وقول ابعتوا شای لسلاماتك. ابعتوا بسكويت
لسلاماتك والنبي مانى باعنه حاجه. انشالله ماطفح البعيد اللي ما هو قدامي

عُمان — «يضمها الى صدره وقبلها بحراره وهو يقول» ياحبيبتي! يا عنى؟ يا عنى؟!

ليلي — اخص عليك! اخص عليك! ما تكلمنيش بقى. هه. ما تكلمنيش!

«تفطي وجهها بنراعيها وتبتعد عنه. وهي وتقول» ما تكلمنيش
سكت

«عُمان يقترب من ليلي على مهل»

عُمان — انتي زعلتى؟

«ليلي لا تجيب فینادها بكآبة»

عُمان — ليلي! ليلي! انتي زعلتى؟

(ليلي تكثُر من لف يدها على رأسها. فيقول راضخاً)

طيب! ماتزعليش! ماقبتش ارجعها. سعيده ياليلي. ح CLK على ماتزعليش.

«ليلي لا تجيب وتلح في حجب وجهها» تصبحى على خير ياليلي. «ليلي لا تجيب ايضاً وهو يتوجه نحو غرفته»

ليلي — «تظر اليه كائناً ملاكاً. وعلى فهها ابتسامة حب عميق»

لكن اياك انت قنام بهدومك. ياسى عُمان. زى عواليك.

عُمَان — (في حزن شديد) حاضر . اهو .

(يخلع الماكه . على مهل . فتسقط زجاجه من أحد جيوبه فيسمع لها صوت .)

ليلي — دي ايه دى اللي وقعت من جييك دي ؟

عُمان — «بساطه» . دى قرازة الاجرا . بتاعة الفوتوغرافيه . «ثم يتناول الزجاجه من الارض»

ليلي — «شامته» انكسرت ؟ الحمد لله ! ذنبي . دا ذنبي .

عُمان — «في حزن» انكسرت ؟ لا ما انكسرتش «ثم يدخل الغرفه»

المنظار الثاني

ليلي وحدها

تجه نخو باب غرفة عُمان وترقبه ثم تقول :

ليلي — اهو بيتمشى رايح جاي . يقلع هدومه . زي ما قلت له . اه . اه . اه . «تضحك»

المنظار الثالث

(يسمع صوت محمد بك أمين من الخارج)

محمد — هيء ! ازيك يا مرزوق ؟ الباشا لسا ما جاش والاً ايه ؟ . عُمان هنا ؟ .

(ليلي ترکض وتجباس بعيداً عن الغرفه وتأخذ حياكتها وتشاغل نفسها)

ليلي — «عنددخول محمد بك أمين من باب الوسط» . واحد . اتنين . تلاتة . أربعة

محمد — اهلاً بليلي . ازيك يا بنتي . طيبه . الحمد لله . دانتي وشك منور . الحمد لله .

أمال عُمان فين ؟ .

ليلي — توّك دخل ينام . باينه سخن شويه .

محمد — سخن ؟ لا لا . سلامه ابو عفان . سلامته الن سلامه . هي نتيجة الامتحان ما

ظهرتش ؟ .

ليلي — هو ماراحش النهارده يسأل . وقل اهي تظهر في الجرائد.

محمد — ما راحش يسأل ؟ . ما راحش ازاي ؟ اصحاب يكون سقط . ولا هواش قادر يقول ؟
مكسوف ولا حاجه .

ليلي — «غضبي» وان كان سقط ؟ . هي مصيبة كبيرة ؟ والله ياخالى انتوا اموركم عجب !
حاتقبروه كان على قبره ؟ مش بزياداه بقى . سقط سقط . هو مستنى الشهادة دي
علي شان يتعشى منها والا ايه ؟

محمد — لأنّ يا بنتى . لأنّ سقط سقط ! بس ما تزعليش انتى . وذا ايه دا ؟ دا ايه دا اللي
بتشتغلني فيه ؟ .

ليلي — دى كرافته لعثمان . حاهاديه بيهما . حلاوة الشهادة .

محمد — بس ان خدتها . الشهادة دي ؟ .

ليلي — ان خدتها . وان ما خادهاش . حاهاديه بيهما . بس . ان عجبكم .

محمد — طيب طيب ! ما تزعليش . ولا تقوليش الكلام دا قدام خالك الباشا .

ليلي — «تضطرب» ليه ؟ . ما اقولش الكلام دا قدام خالي الباشا ليه ؟ . هي فيها ايه ؟ .

محمد — «متعلمنا» على شان خالك البasha ما هواش عايز انك . انك

ليلي — انى ايه ؟ فهمت ايه ؟ . «مضطربه» . قال لك ايه ؟ .

«سکوت»

ليلي — «في حزن عميق» ايه ؟ فهمت ؟ هلبت ما خالي البasha قال لك دى ليلي كبرت .
وعمان كبر .

محمد — ايوه . ايوه . يابنتى

ليلي — (متمة حديثها) ولا يصحش يقعدوا هما الآتين في بيت واحد . والاحسن اننا نشوف
لها مطرح تروح تقعده فيه . ونبعدهم عن بعض .

محمد — بسم الله الرحمن الرحيم ! ومنين وصل لك الكلام دا كله ؟

ليلي — ماحدش وصل لى كلام . لكن احنا اليتامي بنفهم من اشاره . من بصمه .
من فڪر . هو انا عبيطه ؟

محمد — لا يابنتى . ما التيش عبيطه ! صحيح خالك البasha قلل كدا . وانتي رأيك ايه ؟

ليلي — مين ؟ . أنا ؟ .رأي ايه ؟

«سکوت»

ليلي — ما اروحش ! . . .

محمد — وانتي حاتروحي فين . انتي حاتروحي طنطافي بيت خالتكم عيشه . خالتكم ما عندهاش اولاد . وتسمني .

ليلي — (في عناد كبير) ما اروحش ! ما اروحش ! ما اروحش ! هه بس !

محمد — لكن خالك البasha بيقول .. لازم تروحى .

ليلي — (تباكي) بقى كمبي يتيمه من الاب والام . قاعدين تشطروا على . وترموني من البيت دا للبيت دا ! ماحدش مستحملني . كنت في بيت شبرا . قلتووا لأ . تيجي تسكن مع مرأة خالها امينه . وتبعده عن نورسكا . جيت هنا . قلتووا لأ . تروجه من عند خالها عيشه . وتروح مطرح ما تروح . ياعيني عليتامي ! تعال على كل الناس .

محمد — بقى انتي يتيمه يالليلي . اخص عليكي يا بنى . دانى في جباني عنينا من جوه . دانا وحالك البasha لما بنشوفك . رزى اللي تكون شفنا المرحومه امك . بس يا بنى كلام الناس كتير . واهو كل واحد فاتح حلقة من ناحيه . واهم يقولوا دول سايدين الجدع والصبيه في بيت واحد . وخدى بقى على تلسين . وعلى كلام فارغ . ما بتقطع السنفهم يا بنى وبرتاح . دا علشان صالحك .

ليلي — على شان صالحى ؟ أنا فاهمه ! يعني انتوا خايفين لامحدش يتجوزني من كلام الناس . عايزين تجوزوني بدرى قوى ياخالى ؟ كتر خيركم ! طبعاً اهـ وحمل وينزاح عن اكتافكم .

(سکوت)

« تنظر اليه كلالك وتهول في حزن شديد »

انا مش حاجوز ياخالى . طمن قلبك .

محمد — ودا كلام ايه دا؟ . اهوا انتوا البنات بقولوا كدا في الاول . لكن بعدين
ليلي — «ترفع صوتها بالبكاء» لا بعدين ولا قبلين . انامش حاجبوز ابناً . سامع؟ والنبي لو
قطعوني حبت . انا ما اسيب البيت دا ابدًا . بس .

محمد — ليه بس يا بنقى . ليه العند دا؟
ليلي — ليه؟ ...

النظر الرابع

(يخرج عثمان في ثيابه . ظاهر عليه غضب عظيم)

محمد . ليلي . عثمان

ليلي — الله؟ انت مانتش . انت رجعت لبست هدومك تاني والا ايه . الله؟
(عثمان يقطع كلامها . ويقول في غضب كبير . وغضبه يزداد رويداً رويداً .)
عثمان — انتوا عايزين تتبعوا ليلي طنطا . عند عمتي عيشه؟

«سكتوت»

وانا؟ حاتودونى فين انا لاخر؟ ماقتيتوش مطرح ترمونى فيه؟

محمد — «رافعاً يده إلى السماء» الله يسامحك ياهمام ! وانا كان مالي ومال الشبكة دى .
ما كنت انت تقولهم اللي عاوز تقوله .

اقول لك ياني . انا مش شغلى . انا لا سمعت كلام الناس ولا كلام حد . دا
ابوك اللي عاوز كدا .

عثمان — وماله . اعره . ذي ماهو عاوز . وعاوزين تاخدوها امتن؟

محمد — لأ . الاً دى . دازى ما يعجبها . لحد هنا وبس . تروح النهارده . تروح بكره .
علي كيفها .

عثمان — بكره؟ . بكره ليه؟ «في غضب عظيم» ما تروح النهارده
ليلي — «في حزن وخوف» النهارده . النهارده ازاي؟ .

عثيان — ايوه حلا دلوقتى . لسا فاضل ساعتين على وابور الصعيدى . قومي سافرى فيه .
اهو عمى محمد يوصلك . ابوى عاوز كدا .

ليلي — «في حزن» في الليل ؟ أسفاف في الليل . ليه هو جرى ايه ؟ .

عثمان — ایوه سافری فی اللیل ! روحی . اهربی زی الی تکونی عامله لک عمله . اهربی .
وعصی عنیکی علی شان ما تشوفیش ! وسدی ودانک علی شان ما تسمعيش !

بِسْكَرِيْه

ابوی عاوز کدا !.

لیلی - لـکن.

عثمان — «ينجـر وبيـكـي في آن واحدـ» . بلاـشـ عنـدـ إـمـالـ اـبـقـيـ اسمـعـيـ الـكـلامـ ! اـخـرـجيـ منـ
الـبـيـتـ دـاـ . اـجـرـيـ . اـرـحـيـ . «سـاخـرـاـ»
ابـوـيـ عـاـوزـ كـداـ ! .

محمد — «زاجراً». عثمان! الله! دا ابوك ياعثمان!

عثمان — ولنا تصمی طنطا . ابقی سلهی علی عمته عیشه . قولی ها عثمان بیسلم علیکی .
ابوی عاوز کدا .

محمد — (زاجر) عثمان ؟ الله ؟ جرى ايه ؟ . انت ما كنتش کدا ؟ .

عثمان — (المجنون) ابو عاوز يرتاح . ويريح مراته . ويريح اخوه . ويريحك . ويريح كل الناس . ويريختي . ويريختي . قومي روحي بقولك . قومي ؟
وانا لاخر والنبي مانى قاعد ولا يوم فى البيت دا .

محمد — بس يابني الكلام داليه . حاتروح فين .

عُمَان — حاروح فين؟ . ليه؟ هو مافيش بيوت غير بيتكِمْ دا . ولا فيش جنain غير
جيـنـيـتـكـمـ دـى . الـبـيـوـتـ كـمـتـيرـهـ . والـجـنـاـينـ لـاـخـرـىـ كـمـتـيرـهـ .
(يـتـكـمـ يـدـهـ مـنـ خـلـفـ ظـهـرـهـ عـلـىـ الطـاـوـلـهـ وـوـجهـهـ لـلـجـمـورـ وـيـقـولـ مـتـنـمـاـ)
فيـأـيـ آـلـاءـ رـبـكـاـ تـكـذـبـانـ . فـهـاـ عـيـنـاـنـ نـضـاخـتـانـ .

ليلى — هي ! .. احنا رجعنا للشعر تانى . دى ما كانتش صوره ياعمان .
عُمان — دا ما هوَّاش شعر ياليلى . دى صوره
ليلى — «مازحة» اسم الله ! بقى ما بنفهمش الصوره من الشعر . حاكم ما حدش بيفهم غيرك
في البيت . طبعاً .

محمد — والله كلامك يابني دا ماتلاقيهش الا في الجنه ..
ليلى — «في حزن وغضب» اتوا بتقولوا علينا ليه ياخالى . بعيد الشر . بدري قوى !
ماحناش عازين لاجنه ولا نار .

محمد — بقى أنا بفول علىكوا يابنتى؟ أقولك . أنا مش قادر عليكي انت وهوَّانا رايح خالك البشا
(يهم بالخروج . ليل تقفز امامه كائنة غزال وتسوّقه وهي ضاحكة)
ليلى — والنبي ماتخرج وانت زعلان . ياسلام ياخالى محمد . هوَّ دا يصح .
عُمان — «في غاية الغضب» ماتسيديه يروح خالك البشا . هوَّ حاي عمل لي ايه خالك البشا .
حايا كلنى خالك البشا . والا حا يطلقنى انا لآخر زى ما طلق امى
«مقلباً صوت ايه» . بعدد القبور اللي اتفتّحت من آدم للنهاردا ! . كلام ! كلام
منقى . كان محوّشه ابويا لاجل ما يتنه فى وش امى .

المنظـر الخامـس

يسمع صوت همام ياشا من الداخل .

همام — عفارم عُمان ! عفارم ! انا مش قايل لك
يدخل همام . واميته . همام يقراء جريده في يده

المنظـر السادس

همام . اميته . محمد . ليلي . عُمان .

همام — عفارم عُمان ! . الجرايد ظهرت . عُمان ناجح : اسمعوا
شم ينشر الجريده ويبحث فيها

همام — المدرسه التوفيقية . نمرة ٩١٥ . الخامس في الناجحين ؟ . نمرة عثمان ٥١٩ .

عثمان — لا يا بابا . مش الخامس . دى نمرة الترتيب متسلسلة بالأحرف

همام — (يضممه اليه) على كل حال عفارم ! أنا كان املي فيك كدا برضه .

ليلي — « بين البكا والفرح » يا مكار ! انت كنت عارف و بتخبي علينا

همام — أنا حا عمل لك هديه تعجبك

محمد — وانا .. وانا كان

امينه — وانا .. وانا

همام — بكره تلاقى اتومبيل جديد علباب . مخصوص لك . خلاص .

عثمان — « في ابتسame صغراء » بكره ! .

محمد — وانا حاجيب لك ساعه كرونو مرتد هب . دقاقه . بكره الصبح تكون عندك . مرجبا

بك يا بوعفان .

عثمان — بكره ! .. بكره !

امينه — وانا حا اهاديك بايه ياترى ؟

عثمان — انتي ياخالقى . اقولك . هاتيلي طاقة حرير ايض . افصلها قصان .

امينه — حاضر من عنى . بكره الصبح تكون عندك .

عثمان — بكره ؟ بكره ؟ كل حاجة لبكره ؟ ما عندك طاقة اشتريتها النهارده بس .

ما تديهالى .

امينه — دول كام متراكيب دشين ايض .

عثمان — اهم دول اللي انا عايزهم . دول عز المطلوب .

ليلي — وانا ؟ ياقُصر يدى . ما عنديش الا الكرافتة دى .

(تشير لـ الكرافتة وترفع صوتها بكل جراءه) الله اشتغلتها لك ! مخصوص على شانك .

عثمان — آه يامكيره . والخاتم اللى جابوهلك خالك محمد من كم شهر ؟ الخاتم اللى كنت خططته منك . وفضلتى تعطي لغاية اما خدتيه تاني

ليلي — (تنزع الخاتم من يدها وتضعه في اصبع عثمان)

اهو ! حاضر . من عني . ياسلام

عثمان — (في حزن) اه . اه . اه . وانا حالبس خواتم بنات ياعبيطه (برفق ينزع الخاتم ويرجعه ليلي)
خدية ياختي خديه . بزياده الکرافته .

(ثم يقول)

اه . ياراسي .

همام — راسك ؟ : مالك .. عيال ؟

ليلي — ايوه . هو سخن شويه ..

همام — انت سخن ؟ طيب قوم ارتاح . اديك خلصت من الدوشة الكبيره .. خد لك
سننه بزيها فسح ..

(عثمان قبل أن يدخل غرفة النوم يسلم عليهم واحداً واحداً)

عثمان — سعيده يا بابا .

همام — سعيده يا بني .

عثمان — سعيده يا خالتى .

امينه — سعيده يا عثمان بك .

عثمان — سعيده يا عمي محمد .

محمد — يسعد مساك يا بني . نوم العافية يا بوعفان

عثمان — سعيده ياليلي (هذه الجملة تخرج كأنها اخر نفس)

ليلي — « وقلها يكاد ينضر » يسعد مساك ياخوی .

عثمان يهم بالدخول فتقول ليلي

ليلي — «في حزن وضحك» يا سى عثمان ! . ماتنامش به دومك . رزى عو ايدك !

ينذهبون جميعاً ويرافقونه الى باب الغرفة . ثم يعودون

المنظر السابع

هام . امينه . ليلي . محمد

هام — آه ! الحمد لله . هيه ياليلى . خالك محمد قالك يا بنتى .

ليلي — (مطرقه للارض) نعم . قالى يا خالى

هام — ايوه يابنتى . سافرى خالتاك عيشه . احسن من كلام الناس .

ليلي — (طرق ولا تحيب) .

هام — انتى زعلانه ؟ . يعني هناك ايه . وهنا ايه ؟ هنا بيتك . وهناك بيتك يابنتى .

وخلاتك عيشه زى امك . وانا ابقي اروح اطلل عليكى برضه وانتى تجيئنا . ولا

فيش حاجة تتغير ابداً

ليلي — «بحزن» ربنا يخليكم يا خالى . الكل بيوتك . كتر خيرك

هام — وحاسافرى امقي ؟ .

محمد — (غاضبا) لا ! دا على كيفها ! ماحدش يغصبها ! والنبي ما حد يغصبها ابداً .

هام — «بغضب» خلينك ساكت انت .

محمد — لا والنبي . ماحد يغصبها ياهام ! هو جوى ايه فى الدنيا ؟ تقضل كم يوم لغاية امما

قصّلها كام فسططان تاخدهم وياما . ولا نكسرش بخاطرها ابدا .

هام — (غاضبا) المدوم تبقى تقصل لهم في طنطا . بكرة الصبح لازم تسافر . انت سامع .

محمد — (ملحاً) والنبي ما تساور الا لما تنزل مع سنيه وتشتري لها اللي هي عايزاه .

هام — «بصوت عسكري» ابداً ! لازم تسافر بكره . خلاص ! الله ! كلام ايه دا ؟

ليلي — (قطع كلامهما وتقول في خوف ووجل وهي تصغي) هيه ! سمعتوش حاجة ؟ اسمعوا !

(كلهم يصغون)

همام — لاً ما فيش حاجة . « ويعود الى كلامه السابق » لازم تسافر بكرة . أنا كتبت لعيشه
تبعد واحد يستنها على المخطه بكرة .

محمد — أنا اضرب تلغراف لعيشه أقولها ليلى تأخرت
(في هذه اللحظه يسمع صوت من داخل غرفه عثمان)

عثمان — امي ! !

ليلي — « في غاية الاضطراب وبصوت عظيم » الله ! . دا ايه ! .
(تركض للغرفة وتفتحها . فيظهر عثمان يتلوى واضعاً يده على صدره)

عثمان — امي ! . نار ! .

ليلي — « بصوت عظيم جداً » اه ! ادي الى كنت خايفه منه .
عثمان — امي ! . نار ! . « يرتعي على عنق ليلي ويضمها لصدره » ليلي ! نار !

ليلي — « تصبح » دا سمه نفسه بقزازة الفوتوغرافيه ! قتلوك ياخوي !
همام — « مذعوراً يقترب وأخذ ابنه . ويستدنه ويتقدم معه لغاية المقعد

سم نفسه ! سمه نفسه ! ازاي ؟ مين قال كدا ؟ ليه . ليه يابني . ليه ياعيني .

محمد — الله ! . ازاي . ليه ؟ ليه يابني . « يبكي »

عثمان — امي ! . امي ! .

(كاهم يروحون ويجهتون مذعورين وفي حالة رعب شديد .)

ليلي — آه . آه . امه . بيمنه امه !

امينه — يادي الصبيه ! تقطعني !

ليلي — « تنظر الى همام وتصبح في وجهه » هات له امه ؟ هات له امه مطرح ما وديتها ! .

همام — « في حزن شديد مستنداً ولده » امك ؟ هي امك فين يابني ؟ ماهي هنا ياروحى . هوانا
سيتها ؟انا طلقتها ؟ . ابداً كداب اللي قالك . انا ما سيتهاش . انا ما طلقهاش
مين قالك ؟ ابداً . اجيب هالاك حالاً . ترجع بيتها تانى . ليه ياعثمان . ليه يابنى ؟
بكرة الصبح تصل امك . شد حيلك يابنى

ليلي — «كالمجنونه» اه . اه . اه . اتجوزوا وطلقو ! طلقوا واتجوزوا ؟ وموّتونا انتوا !
خدونا برجليكم . ولا تسالوش . اه . اه . اه .

همام — خدوا البنت دي من هنا . قطعت قلبي . . . وفضلت اقول أولادنا ما يقتلوش
نفسهم . وقعت عليك يا ابني

يصبح

يا محمد ! اضرب تلغراف لامه ! امينه ابتعي ازدهى الحكيم ! . الحكيم ياناس ! .
(امينه ومحمد يخربان)

عثمان — امي ! نار ! . «يتدحرج الى الارض »

ليلي — «كالمجنونه» يا حبيبي ! قتلوك ورموك على باب أوضتهم ياخويـ ! آه . آه .

همام — «يروح ويجيـ كالمجنون» دول سايبوني وحدى مع البنـت دي . ياهـو ! يانـس ! انتـوا
فتـونـى وحدـى مع البنـت دي ؟ .

(ليلي تجلس على الارض وتأخذ عثمان في حجرها وتصبح بصوت كأنه ولولة)

ليلي — وبرضك نـت بهـدومـك ياعـمان ياخـويـ ! . اه . اه . اه .

الستار

الفصل الرابع

نفس ستار الفصل الثالث وانته

المنظر الاول

هام . امينة ملشه . الدكتور عبد الوهاب

امينة — ايه العمل يا دكتور ؟ مافييش حيله ؟

الدكتور — ليلى هانم مصا به بارتجاج عنيف يا هانم . اعصابها تعبانه غاية التعب . والنهول الى
هي فيه دلوقي حايستمر مده طويله . والواجب انكم تمشوا على الوصفات اللي وصفتها
لها في غاية الدقه .

امينة — حاضر يادكتور ! لكن مش حتديها حاجه تشربها .

الدكتور — لا يا هانم . الا دويه اللي بتشرب دي ما منهاش فايده في حالة ليلى هانم . اللي
وصيتكم عليه ارجوكم تعملوه . الراحة التامة . المواء الطلق ليل نهار . بعدها عن
كل ازعاج مادي وادي .

هام — « يروح ويجيء وهو في غاية الحزن الكآبه »

امينة — ياترى حاتطيب يادكتور عبد الوهاب المسكينه دي ؟

الدكتور — احنا ياهانم اللي في ايدنا الدوابس . لكن الشفا . الشفا عند الله . وربنا ماعلهش
شيء عسير ياهانم .

امينة — وان ودينها الاستباليه ؟ ايه رأيك يادكتور ؟

هام باشا — « مذعوراً وحزيناً » الاستباليه ؟ استباليه ايه ياهانم ؟ هو احنا بناتنا تروح
الاستباليات ؟ اعوذ بالله ! لا ياهانم لا !

الدكتور — حتى احنا هنا ما عندناش اسبتايليات تنفعها . ليلي هانم لازم تخدم بالحلم والحنو والرأفة . واحنا في اسبتايلياتنا ما عندناش لاحلم . ولا حنو . ولا رحمة . ياهانم .

(ينهض)

الدكتور — «متما كلامه» حقاش تبعتوها اوروبا ؟ في محل من الحالات الخصصة للامراض العصبية . يمكن . لكن الاحسن انكوا تخلوها هنا . قدام عنيك وتلاحظوها بنفسكم .
دا احسن شىء ياهانم .

هام — (حزن) من فضلك تقوت علينا كل يوم يادكتور . ماتسييناش

الدكتور — حاضر . ياباشا . حاضر . لكن انت كان يا باشا ما ينفعش الحزن اللي انت فيه دا لازم تشد حيلك . وقاوم الانحطاط الادبي اللي انت فيه . مش عوایدك تبقى
كدا . ماتنساش انك عيان .

هام — حاضر ! ستر خيرك !

(الدكتور يعني امام امينه هام . ويسلم على الباشا وينصرف)

المنظر الثاني

هام . امينه

(سکوت طويل)

امينه — ايه العمل يا باشا ؟

(سکوت)

امينه — مالك يا هام . ماتنكيم ! قول حاجه ! فرج عن قلبك شويه . سکوتك دا .

هام — (كانه خارج من حلم) هيء ؟

امينه — بقول السکوت دا مامنوش فايله . اتكيم . اتحدت .

هام — بس حاقول ايه ؟ حاعمل ايه ؟ ايه طالع بايدى ؟ الواحد منا يستحمل يستحمل
يستحمل . لكن ييجي يوم عزيمته تبطل ويترمى من طوله .

امينه — تسمح لي انا اتكلكم يا باشا؟

همام — (بحزن) افضللي ياهام ! اتكلكم . قولي .

امينه -- بس مازعلش . خذ كلامي للآخر .

همام — افضللي قولي ! فيه ايه كان !

امينه — بق انا من يوم مدخلت بيتك . انت ما شفتش يوم راحه .

همام — (يقطع كلامها) بس انا فاهم اللي حاتقوليه يا امينه . ما تكمليش . من يوم ما دخلتى
البيت دا جرى ايه ؟ هو انتي اصل السبب فى اللي حصل دا كله ؟ مين قال كدا ؟

لا يا امينه ! شيلى الفكره دى من بالك . انتي من يوم ما دخلتى البيت دا .

ما قلتيس كله واحده . ولا عملتى اشاره واحده . ولا افتكرتى فكر واحد .

سبب للبيت دا اى ازعاج .

امينه — بس انا بتعول

همام — (يقطع كلامها) ما تقويس حاجه . اصل السبب فى اللي حصل دا كله انا . انا اللي
زرعته من عشرين سنه . بقصده النمار دا .

امينه — ليه ؟ انت ما عملتاش إلا كل ..

همام — (يقطع كلامها) إلا كل عمل بطال . من عشرين سنه قلت كله واحده ظلله .

دي ما كاتنش كله !

دى الكامه الظالمه دى ماهياش كله ! دى جرثومه مرض جارف . خرج من بقى .

وفضل يوّلد ويكتر ! يوّلد ويكتر ! لما انتشر فى البيت دا . وعداكم كلام . ولا خلاش

حدسليم فيكم . الى انصاب . والى حيوت . والى مات .

دى الكامه الظالمه دى ماهياش كله . دي رصاصه . لكن الرصاصه بتقتل قوام .

في لحظة واحده في ثانية واحده . لكن الكامه الظالمه تلف وتكبر ! تلف

وتكبر ! لما تبقى قد الجبل . وتنزل على قلها تقتله . والا على بيته تهده .

دي الكامه الظالمه دى ما هياش كامه . دى شراره . لما الفك دا يطبق على الفك دا . تخرج الكامه الظالمه من بين الاسنان . زى ما الشراره تخرج من بين حجرين . وتخش فى بيت الله قلها وتسكن . وتلبى فيه وتسكن . وتكل فى هى على مهل وتسكن . وتحرق فيه شويه وتسكن . لغاية اما ييجي يوم يخوخ . ويسبجد لوحده وله ليه تحصل الجلو .

انا كنت استهونت اللعب بالنار . وكانت النار حرقـت صوابى . وبعدين مسكت فى هدوئى . وبعدين شبـطـت فى البيت دا . وحـايـجـى يوم يقع على عـلـىـهـ فىـهـ . اميـنهـ — بعيد الشر . سلامـتكـ ياـسيـدىـ . كلامـالـيـاسـ دـالـيـهـ ؟ سـلامـةـ الـبـيـتـ دـاـ . وـانتـواـ عـمـلـتـواـ ايـهـ إـلاـ كـلـ طـيـبـ . انـكانـ اـنتـ وـالـاـ اـخـواتـكـ . الكـامـهـ اللهـ قـلـتـهـ دـاـ مـاـ نـيـبـناـ منهاـ وـعـوـضـتـ عنـهاـ الفـرـهـ وزـيـادـهـ يـاهـمـ . ليـهـ بـقـيـ اليـاسـ دـاـ ؟

هام — انا كنت افـتـكـرتـ اـنـىـ عـوـضـهـاـ صـحـيـحـ ! وـانـهـ فـتـكـ . وـدـفـعـتـ الدـيـنـ اللهـ اـسـتـنـدـتـهـ منـكـ منـ عـشـرـينـ سـنـهـ ! اـتـارـىـ لاـ . مـاـ نـصـفـتـكـيـشـ . دـاـ نـاظـمـتـكـ تـانـىـ مـوـهـ . وـدـخـلـتـكـ فىـ بـيـتـ ماـيـلـ . وـحـايـعـ . لـاجـلـ اـمـاـ يـقـعـ يـقـعـ عـلـىـكـ اـنـتـ لـاخـرىـ . اـنـاـ اـفـتـكـرتـ اـنـ رـبـنـاـ حـايـسـاحـنـىـ . اـتـارـىـ لاـ . رـبـنـاـ وـاقـفـ بالـمـرـاصـادـ . وـالـعـمـلـ اللهـ بـنـعـمـلـهـ فىـ الدـنـيـاـ دـىـ يـيـجيـ يومـ وـتـحـاسـبـ عـلـيـهـ . فـىـ الدـنـيـاـ دـىـ بـرـضـهـ . فـىـ الدـنـيـاـ دـىـ . قـبـلـ يـاـ مـسـكـيـنـهـ . هوـ اـنـتـ اللهـ جـيـتـىـ لـىـ نـورـسـكـاـ هوـ اـنـتـ اللهـ قـلـتـيـلـيـ طـلـقـنـىـ . اـنـاـ اللهـ جـبـتـ كـلـ دـاـ بـاـيـدـىـ . ليـهـ ؟ اـصـلـهـ اـيـهـ ؟ جـبـتـهـ ليـهـ ؟ ظـلـمـ . ظـلـمـ . قـامـ رـبـنـاـ قـالـ لـىـ هـوـ اـنـتـ عـاملـ لـىـ جـبـارـ فىـ الدـنـيـاـ دـىـ ! اـسـتـنـىـ اـمـاـ اوـرـيـكـ مـيـنـ الجـبـارـ فـيـنـاـ ! . اـنـاـ وـالـاـ اـنـتـ ! مـيـنهـ — اـبـداـ . اـبـداـ . لـكـنـ اـنـاـ مـسـاحـمـ . اـنـاـ حـقـيـقـىـ وـصـلـ لـىـ . مـيـنـ بـيـطـالـبـكـ ؟ مـاـ حـدـشـ ! . اـنـتـ بـتـطـالـبـ تـقـسـكـ لـيـهـ يـاـ هـامـ ! . رـبـنـاـ بـيـتـوـبـ عـلـتـاـيـيـنـ يـاـ هـامـ .

هام — صـحـيـحـ رـبـنـاـ بـيـتـوـبـ عـلـتـاـيـيـنـ . لـكـنـ لـازـمـ يـتوـبـ بـوـاـ بـالـعـجـلـ . لـازـمـ يـتوـبـ بـوـاـ قـبـلـ مـاـهـوـ يـيـتـدـىـ فـىـ اـنـقـامـهـ . رـبـنـاـ مـاـ بـيـدـلـعـشـ حدـ يـاـ اـمـيـنهـ .

ماله وان كنتي انتي مسامحه . ما هو على شان انتي ساحقى قام هو انتقم لك . ياريتك
ما ساحقيني ! ياريتك خدى حمتك بايدك . كان سكت عنى . وقل اهي خدت
حقها بنفسها . لكنه سبحانه بيأخذ طار كل مظلوم . وخصوصاً . خصوصاً طار
المظلوم اللي بيسامح . وهو عمال يجازيني من عملي . عملي قسه رجع وبال علىَّ .
هو قال كده . هو قال كده سبحانه من زمان لكن انا مفهمتش الا دلوقتى .
لما استتحقيتها . وهو عمال يسقيني المر . ولسا ! ولسا !

(يقول هذه الجملة الاخيرة وهو يتقطع حزناً)

امينه — (تمسح عرقه وهي تقول) . بعيد الشر ! . بعيد الشر ! . ربنا ما يوريك بقى
الا كل خير .

همم — كل خير ! كل خير ! والخير دا حاجيني منين . مادامت المره دى طيبة . عملى عمل
الشر متجسم لي في المره دى . ومش حاشوف خير مادامها طيبة ! انتي ما عرفتنيش
اللى عملته ايه من جديد ؟

امينه — عارفه ! عارفه ! يجازيهما البعيده !

همم — سرقت ورق الانصارى بك . اللي كنا خدناهانا والضباط من دوسيه المجلس
ال العسكري وختنه عندها . ولما مات عثمان راحت سلمته لقربيها . صاحب الجريدة
في الاسكندرية . والجريدة دى ابتدت تهددنى . وتنوعدنى .

امينه — وهو داعيب ؟ . وماله ؟ هي فيها ايه ؟ مش جعيه سريه ؟ هو انت والضباط
كنتوا بتسرقوه والابتنهوا .

امينه — انتي ما بتقهميش الحاجات دى ياامينه .

« ينفجر وصوتة يخالجه البكاء »

ساعديني يا امينه ! خدى باليدي ياختي ! انا وقعت . سلمت سلاحى ! خلاص .

غلبتني المره دى . ابني راح ! وليلى اهي مجنونه . وكل ما تاشى خطوه في البيت دا

زى الله بتقول يارب انتقم لي . واخواتي عشر ضباط حايروحو . حاتنخرب بيومهم .
ومين الله عمل داكله . أنا . أنا وحدى . انتي مالكىش ذنب . هوّ انتي عايزه
تظلمى نفسك كمان مرّه ؟ ما كفانيش ظلم . ومين الله حايخلصنى بي من عدله ؟
مين ؟ . مين ؟ .

(سکوت)

(هام يبكي بكاء صامتاً)

هام — انتي كلتي محمد اخوي بالتلفون ؟
امينه — نعم . وقالوا لي خرج . جاي على هنا
هام — طيب ! اول ما يجي سيبيني وحدى انا ويه . عايزين نشوف ايه الله حانقدر نعمله
في المصيبة الجديدة . الله رمتني فيها قليلة الدين دى ! الكافره !

المنظر الثالث

تدخل سيده الحادمه

سيده — اتفضل .

المنظر الرابع

(يدخل محمد حزينا وفي يده اوراق وجرائد)

هام . امينه . محمد

محمد — (في حزن كبير) سعيده . سعيده ياامينه

امينه — سعيده يا محمد بك .انا خارجه . سايباكم في شغلكم . (خرج)

(سکوت)

محمد — انت قريت الجرائد ؟

هام — أيوه . قريتهم . لكن احنا عندنا شغل تاني اهم من الجرائد .

محمد — لا مش جرائد امبارح . دول جرائد النهار دا . قريتهم ؟

همام — ما يهونيش . خلיהם عندك . بعدين تفراهم . وربني الرسومات اللي جيتهها دول
(محمد ينشر امامه بعض الاوراق . هام ينظر فيها ملياً)

همام — طيب يا محمد . الرسم دا احسن من غيره
(مشيرًا الى الرسم)

اوستين هنا . وهنا اوستين تانين . طيب ! هنا الجّام والمنافع . طيب ! بس الاوشه
دى كان لازم تكون اطول من كدا . على شان تسع كل اللوازم . الجّامات .
والآلات الكهربائية . والدوش النرويجي .

محمد — حاضر .

همام — والحيطان . لازم تكون مبطنه كلها بالجلد الخشى قطن . كلها . على ارتفاع مترين .
محمد — والتبطين داليه ؟ ماهي هاديه دلوقي .

همام — (بغضب عصبي) ماتضايقنيش ! هي دلوقي هاديه . لكن مين يعرف بعدين حايجرى
لها ايه ؟ ..

محمد — حاضر . ماتزعلش ! ..

همام — اكتب لاختك عisce . فهمها كل حاجه . وانا كتبت كلن . لازم تسيب طنطا .
ويتجى هي وجوزها هنا . يسكنوا في مصر معانا . في البيت دا . على شان عisce
تلحظ المسكينه دى . بنفسها

محمد — لكن ما اميته ! .

همام — «في غضب عصي» . اسكت ! ليلي لازم ترتاح . لازم تكون كلنا في خدمتها . انا
وانتم واميته وعيشه وسنيه . كلنا انت سامع .

محمد — حاضر ياهمام ! . حاضر ! . دى بعنينا .

همام — المصارييف الازمه لل الحاجات دى . ضيفها على حسابي . كلها .

محمد — ما هى لسا باقى لها القين جنيه .

همام — بقولك ضيفها على حسابي . الله ! فلوسها يفضلوا لها . ما حدش يقرب لهم
محمد — حاضر

همام — «يرفع صوته باكيًّا» على شان خاطر عثمان يا محمد ! دي حبيبة عثمان يا محمد !
محمد — «يبكي بكاء صامتاً» حاضر . حاضر

همام — الشقه دى لازم تنفرش كلها بالحرير الا بيض . كلها . قد ما تكاف ضيف كلتها
على حسابي .

محمد — حاضر
همام — واجههد ان كل دا يخلص بالعجل في اسبوعين . والاً تلاته بالكتير . ادفع الطاق
اتنين . تلاته . زي ما يكون . وشهل الشغل دا .
محمد — حاضر .

همام — انا عاوز اشوف البنت دى مرتاحه . مش قادر اشوفها دائره في البيت دا زى
الخيال . قطعت قلبي من جوه ! قطعت قلبي !
محمد — حاضر ! حاضر !

همام — انا عارفك تهممل . احلف لي ان كل دا يخلص في جمعتين .
محمد — والله ! كل الشغل دا يخلص في جمعتين . وحياتك انت .

سكوت طويل

همام — ايه اللي بتقوله جرائد اليوم ؟ ورينى !

محمد — الحكومه قبضت على الضباط الموجودين في اسكندرية . حسني . وفهمي . وزكي .
وحولتهم على مجلس عسكري .

همام — بنت الكذب ! بنت الكذب ! خربت بيوت الناس الله يخرب بيتها .
محمد — وانا خايف لا الحكومه تقبض على الضباط اللي هنا .

همام — «ينفجر» المساكين . الغلابه ! دلوقت ييجوا . زمانهم جاين لاخوهم همام . اللوا

هام باشا . يقولوا له احنا وقنا بك . احنا وضعنا في ايديك ارواحنا . واولادنا .
واهلا . عملت في كل دا ايه يا هام . يا باشا . حاقولاهم ايه ؟ حارد عليهم
بايه ؟ اقول لهم همام اخوكم ساب الورق في الدرج . ونام . قامت مرأة سرتها ؟ ..
ومين يصدقني ؟ وان قالوا انت بعثنا . انت قبضت من دمنا ودم اولادنا . دى
مراتك اللي سرت الورق . ارد بايه ؟ اقول ايه ؟

سکوت طويل

هام يضم على امر عظيم . تظهر عليه علاماته . ويقول

هام — محمد ! قوم حالاً روح للانصارى بك . وقابلة . قل له ماتخافوش . الورق
اللى ازسرق دا كله بخطه همام ما فيه ولا حرف بخطك . انكروا . انكروا كل
حاجه . خليهم يتهمني انا وحدى . وأنا انحلت عليهماش من زمان . المجلس
ال العسكري ماعادلوش شغل معايَ .

محمد — والنبي ؟ بخطك ؟ بي عال . بي المجلس العسكري ما هواش مختص على كده .
هام — (في حزن عظيم) لكن فيه مجلس ثانى . اقوى من المجلس العسكري بتاعنا يا محمد .
محمد — حاضر . انا رايح اطمئنهم . وان سألوني وقالوا همام باشا فين . اقول لهم ايه ؟ .
هام — « ف حزت » ان سألك . وقالوا لك همام باشا فين ؟ قولهـم . قولهـم مشغول شويه
يعمل حساب المitem ! .

محمد — حاضر ..

هام ينهض ويعناق اخاه طويلاً

المنظـر الخامس

(همام وحده يفكر قليلاً . ثم يتوجه الى الباب وينقله)
ثم يجلس وراء المكتب . وينتاول ورقة ويكتب على مهل .
ثم يقرأ ما كتب بصوت عال
هام — حم القضاء يا محمد .. فلن تقرأ كتابي هذا الا وانا ميت .

هاك وصيتي . فعها . وقل لعاشه : همام اخوك يقرأ عليك السلام ويقول : اجيزها
لا تدفنوني مع عثمان . ليس من العدل ولا من الرحمة . ان يكون القتيل وقاتلته
في لحد واحد .

آن اخاف ان اعكر عليه صفاء نعيمه .

اووصيك خيراً باميته . فقد اصابها من الارمالي مرتين . لها نصف مالى
فلترجع الى اهلها موافرة الكرامه .

اووصيك خيراً بليلي . بليلي حبيبة عثمان . فقد اصابها التيم ثلاثة ..
لها نصف مالى . وانا راحل في يوم . هي احوج الناس فيه الى والد . فكنه لما ياخذ
الجزء وصيتي فيما . وأكرم مثواهما . واخفض لها جناح الذيل من الرحمة .

يأخذ الورقه على مهل ويطويها في غلاف وهو يقول .

واخفض لها جناح الذل من الرحمة !
انا سمعت الكلام دا فين ؟

يهز رأسه كمن لا يذكر شيئاً . ويقول :

مش فاكر . مش فاكر .

ثم يتناول مسدساً من الاسلحة المعلقة ويردد قوله

واخفض لها جناح الذل من الرحمة

المنظر السادس

يدفع الباب علي مهل فتدخل ليلي كأنها شبح في ثياب سود . ووجهها أبيض يياضاً خالصاً
وتتجه الى باب غرفة عثمان . فتقف

في ذلك الوقت يكون همام قد اختبر المسدس . وهو يردد جملته

ليلي — « بتادي بصوت ضعيف . ولكن نداءها طبيعى كأنها تنتظر جواباً . »
عثمان ! . عثمان ! .

هام — يرمى المسدس من يده ويذهب اليها
يا حبيتى يا بنتى . ياعيني يابنتى . ليه كدا بس ليه . ليه ياروحى ليه ؟ تعالى معانى
ياختى . تعالى .

« يأخذها برفق كثير من يدها ويجلسها فوق أحد المقاعد وهو يجلس في قربها . »
اموت أنا ياربى ! وافت البت دى على مين ؟ لا ياخلى ابداً . ماموتش واسيبك .
ذنبك في رقبتى يابنتى .انا اللي وصلتك للحاله دى ياحبيتى . ذنبك في رقبتى .
ما كفانيش اللي عملته . كنت حارتكم النهار دا ذنب اكبر من اللي فاتوا
كلهم . اعيش ! اعيش ! اخدك واهرب . اهرب الليله ! دلوقتى حالاً . اروح اسوي
فيكى . ولا ارجعش الاً اما اطبيك . وترجعي زى ما كننتى . مالى ودمى فداكى
ياعيني . ماسيبكيس ابداً يابنتى . ابداً . ورحمة عثمان .

« يناديهما » ليلى ! بصى لي ياختى . ردي علي يابنتى . ليلى ! .

(في هذه اللحظه تدخل نورسكا)

المنظر السابع

هام . ليلى . نورسكا

« نورسكا تتقدم في عنف حتى تصل الى همام . فيراها »


هام — « يحاول التهوض » هيئه ! .


نورسكا — عثمان فين ياهمام ؟ .


هام — « مدعوراً » هيئه !

نورسکا — « بصوت عظیم » تلغروفک وصلنی متأخر یاهمام . عثمان فین ؟ انا عایزه اشوفه !
لیلی — (بصوت ضعیف و هی تبسم) عثمان ! عثمان نایم بہدومه یاستی جوّه !
نورسکا — « بصوت عظیم » هوّ انت قتلت دی کان ؟
« تد یدها الی صدرها فتاخذ مسدساً و تطلقه علی همام . فتصرعه »
— و بنزل للستار علی مهل —









PRINCETON UNIVERSITY LIBRARY

THE ABU SHADI
MEMORIAL LIBRARY

PRESNTED BY

CHARLES A. DANA, JR. '37
H. H. PRINCE SADRUDDIN AGA KHAN
COUNCIL ON ISLAMIC AFFAIRS



32101 071966186

(NEC)

PJ7874

.A87

D433

1925